

第十六

盱江集鈔

雙溪詩鈔

眉山詩鈔

鴻慶集抄

蘆川歸來集抄

尾 第二

柳田文庫
文庫11
D 156
16



文庫 11
D 156
16

盱江集鈔

卅六

李觀字泰伯南城人舉茂才異等不中以教授養親從學日衆范仲淹薦試太學助教嘉祐中召爲海門主簿太學說書卒門人鄧潤甫上其所著書尤長于經制朱子謂李泰伯文字不軟帖氣象大段好實得之經中雖淺然皆自大處起議論若老蘇父子得之史中戰國策故皆自小處起議論真知言也詩雄勁有氣燄用意出人云格如平易人多愛意到幽深鬼未知見其得處矣

魯公碑

他人工字書美好若婦女猗嗟顏太師赳赳有遺碑歲月亦已古硬筆可破石鐫者疑虛

武麻姑
龍索雷

010190554185

08-12187

關口唾天下雨怒虎突圍出不畏于強弩有
山玉易取唯恐此碑壞此書難再覩安得司
天府自非大祭時莫教凡眼覩
興收藏在

玳瑁石

前有縣大夫取此石為器囂然夸謂子材與工俱美如何
爾鄉人器用曾莫備無乃居荒陬俗鄙不喜事答云此石
堅攻磨動時歲官用錢出民民用錢出已出民官不知喜
言一作事誠可貴出已乃傷財誰能一作不惜費大夫聞此
言如有所忿兵今君倡是詩敢以報嘉惠

秦人峰

秦法雖甚苛秦吏若猶拙山林不數里俾爾逃得脫予觀
後世事政役火烈烈苟非為鬼神何計避羈紲聖皇今在

御百事咸均節常披詔書意苦念生財竭誰能將順者所
望在賢哲無使峰中人笑我民屠裂

虎跑泉

虎跑本何為彼將對以臆有如大丈夫卓爾抱剛直盜泉
既不飲譖人亦不食山中小禽獸何足勞捉搦勇氣無所
泄爪地成遺跡地神嘉乃誠水源如開闢尋常竊六畜夜
傍人墻壁是與豺狼同聞此宜慙色

哀老婦

里中一老婦行行啼路隅自悼未亡人暮年從二夫寡時
十八九嫁時六十餘昔日遺腹兒今茲垂白鬚子豈不欲
養母豈不懷居繇役及下戶財盡無所輸異籍幸可免嫁
母乃良圖牽連送出門急若盜賊驅兒孫孫亦如小大攀

且呼回顧與永訣。欲死無刑誅。我時聞此言。爲之長歎嗚。
天民固有窮。鰥寡實其徒。仁政先四者。著在勅書。吾君
務復古。旦旦師黃虞。赦書求節婦。許與旌門閭。緊爾愚婦
豈。豈曰禮所拘。蓬茨四十年。不知形影孤。州縣莫能察。詔
旨成徒虛。而况賦役間。羣小所同趨。姦欺至骨髓。公利未
錙銖。良田歲歲賣。存者唯菜汙。兄弟欲離散。母子因變渝。
天地豈非大。曾不容爾軀。嗟嗟孝治王。早晚能聞諸。吾言
又無位。反袂空漣如。

寄懷三首

言以死有用。羽角筋革齒。輦入王師。飾作軍國器。玉食
言如蠶。瞑目已腐穢。生者不敢留。埋藏與螻蟻。百年富貴
第。孰若禽獸類。唯有令名人。終古如不死。

根生但爲松。翼飛但爲鳳。王侯尚可輕。道義本來重。癡兒
似婢妾。寸步矜恩寵。傍人忍笑時。佯把衣袂弄。
齷齪復齷齪。淺謀同燕雀。不思明日憂。但取今日樂。俗儒
抱書卷。未去眼中瞶。誰將古人淚。更爲今人落。

喜雨

人皆喜膏澤。我獨憂豐年。歲凶已賤糶。年豐安得錢。賦役
忽驚駭。倉廩甘棄捐。銖銅苟可換。富貴寧我憐。歸來官事
了。相弔柴門邊。農夫未盡死。穀價應常然。王心幸仁聖。分
職當忠賢。謂穀賤爲美。咄咄無欺天。

寄祖祕丞

我本山田人。好尚與衆異。平生重交遊。所得固無幾。昨者
應茂才。西行覲朝美。時當慶曆初。選舉實多士。茫茫帝王

州。栖栖遠行子。攜錢賃破屋。乞火蒸陳米。鞍馬到卽賣。僮僕癡難使。有時造公卿。努力向塵市。數步則一歇。長吁乃能起。衣冠信質野。言語欠婉媚。閹人顧之笑。將命見而避。往往得所請。蹒跚向前跪。何能剖懷抱。浪自慕尊貴。貴人如天神。喘息生雲氣。野夫等麋鹿。芻豢非所冀。歸來坐空窻。惆悵夕不睡。塵埃滿鬚髯。臭惡入口鼻。業已辭吾親。中道豈可廢。僂俛待報聞。愁憂遂經歲。二年正月晦。閑房適假寐。有奴來啄門。手披擇之刺。承命驚下牀。赤脚誤穿履。從來未識面。只是聞高第。名顯宦且達。見我當何爲。再拜請就席。熟視知可畏。昂昂貌甚古。崖石掀氛翳。渾渾氣甚和。璞玉無芒銳。高談貫先哲。雅意在茲世。昔人相遇間。一言猶合契。今吾於擇之。寧假再三計。自此習往還。中心篋

疑貳。如熱息廣厦。如飢享盛饋。君授南康守。舟維蔡河浹。我館汴之陰。前去路則邇。時時結帽帶。踽踽尋英軌。衆人嬌綺羅。相對紉蘭芷。朱絃自三歎。笑殺彼鄭衛。王命有期日。都門一反袂。君行劇鴻軒。我處近匏繫。曠日及孟秋。皇慈始收試。崇崇九門開。窈窕三館祕。主司隔簾帷。欲望不可跂。中貴當棖闌。蒐索徧靴底。呼名授之坐。敗席鋪冷地。健兒直我前。武怒足防備。少小學賢能。謂可當賓禮。一朝在檻穿。兩目但睜眙。捉筆析所問。移時數千字。讀書取大者。纖悉或靡記。炙背雖自奇。寧當至尊意。龍馬騰天衢。駑駘合羞死。量才與揣命。坦蕩更何事。振衣託歸舟。河流迅孤矢。淮清江且平。踰月在枕几。及過廬山南。聞君初布治。船橋旣入岸。馬首已來暨。迎我到府署。相見共欣喜。嫩橘

摘千苞肥魚斫千尾。蕭晨徹骨清。佳境邀人醉。高會雖暫
歡。故園當遠至。草草成別愁。悠悠渡湖水。是時東方曙。俄
然北風厲。陽鳥畏威逃。江神以儒戲。氣象斗不同。波濤大
可憐。長帆張欲裂。孤舟蕩無倚。或從玉井出。或自銀山墜。
篙工斂手立。脉脉無窮淚。從者閉目坐。嗟嗟不敢視。我時
撫牀歌。分作長江鬼。所恨生劬勞。不孝而已矣。禍福果無
妄。險難行可弭。脫身得平康。引領望鄉里。厥後過挾日。幸
得見維梓。入門何怡怡。饌具有甘旨。稚女能紉針。驕兒徧
生齒。芟除閑草萊。疏通舊沼沚。君廬可終焉。生計由此始。
郡守方仁賢。學宮盛修理。踵門致勤恪。命我論經藝。麻衣
何紛紛。鄉人子若弟。不唯務章句。所欲興禮義。施為有本
末。動靜有綱紀。蚤與雞同覺。夜與月相值。孳孳忘飲食。斲

斲在六史時。附南康書。或逢北來使。尺素雖滿前。話言難
到耳。始及三年冬。聞君受朝寄。名稱按刑獄。勢可平冤滯。
故人漸大任。賤子差自慰。軒車日已遠。翰墨益難致。薄命
良可傷。降災渾未已。是年之季冬。舉家纏疫癘。老母尚委
頓。微軀蓋螻蟻。形骸非我有。魂魄與心離。權柄在鬼物。功
力非服餌。曉突誰能炊。午關猶未啓。荏苒再週月。幸會天
不棄。春風動枯槁。甘雨澆根柢。行行夏交秋。吉徵凶不替。
高堂何戚戚。疾病日攢萃。一夕脾臟間。發泄不復止。詰朝
問無言。目冥口齒閉。號呶諸兒孫。雜沓大鼎沸。嗟哉當彼
時。城恐陷。可諱。醫師相急熱。巫覡兩經緯。藥草極酸辛。法
術殫怪詭。薄暮乃復蘇。踰旬僅知味。方茲戀庭闈。旋已對
獄吏。試言其所由。內省亦無媿。有人同州閩。發迹自徒隸。

竊被儒衣裳。曾亡小材技。突如游京邑。欲以干明獻。朝家
焉可欺。羈旅謀自濟。乃造黃紙書。便取青袍衣。乘船歸南
方。斂板謁當位。自言章奏奇。因籍宦官勢。詔文降自中宰
府。不預議。既云能占天。且曰善興利。江淮一經過。郡府十
不啻到處爭。逢迎莫能思。處置轉運苦。愛奇得之如國器。
故使按坑冶。庶可展才智。小人靡村度。假寵愈放肆。行符
索吏卒。圈印發傳遞。閭閻望塵拜。州縣從風靡。遮道結繒
綵。鋪筵塞珠翠。車騎前後呵。給使數百指。何者爲典刑。獨
自誇爪鬣。在昔泰無人。繞朝贈之筆。緊我非聾瞽。碌碌寧
不恥。作書貽諫。下姦詐。患不細。有詔令逮捕。按驗取真僞。
是夫知計窮。誣我以罪戾。上官猶眩惑。準例皆拘繫。幽幽
周行中。憤憤爭。旋裏周旋二十日。乃克見巧。敝畫地尚不

入叢棘。曷可寔。茲謝吾母。幾不全髮體。教道亦難行。兀
庸豈同志。吁哉養英才。徒以釣積毀。篋書歸敝廬。庠門任
蕪穢。去年仲夏後。盛暑若火熾。郊園有餘爽。蔬果聊可嗜。
時復觀田疇。畢力奉耘耔。人生但飽暖。此外皆淫侈。息君
非一日。欲去無雙翅。俄聞遷黃州。又說丁喪制。古來聖與
賢。誰不遭醜詆。蜀日駭狗犬。夏鼎愁魑魅。人壽有短長。孝
子謾憂息。滅性經所貶。節哀禮爲是。矧夫王佐才。簡在唐
虞際。揚名以顯親。報德豈不韙。加飯苟如願。蒼生猶有恃。
適時匪我長。不朽乃所擬。道義果弗充。富貴反爲累。回憲
本無官。桀紂焉得此。俗子但相非。吾心已居易。近者游葛
陂。念君在衰臬。作詩布幽懷。讀之勿嗤鄙。

女色無定美贈卿材

子工集少

六

女色無定美。寵至美則多。士才無定稱。用顯稱已過。長安
小家子。粲粲秋池荷。性慧不覺恥。母憐不加訶。出戶一囊
麝。見人雙眼波。情動笑難止。語嬌音屢訛。都人口如沸。觀
者踵相摩。因緣幸充選。恩澤成偏頗。少費萬金珠。一呼千
綺羅。佯愁慘白日。猛唾傾天河。東鄰有賢女。春綠涵修蛾。
花豔不裁翦。玉光無切磋。自小固聞禮。藏頭豈知他。親戚
尚未見。媒官當奈何。過時誰訪問。生世就蹉跎。豈不有配
偶。市里或山阿。豈不有奉養。春饌與機梭。列女不得傳。樂
府無人歌。容華日衰落。涕泣坐滂沱。富貴易修飾。貧賤多
笑呵。柳下無仲尼。小官終滅磨。進退在勇決。遲疑兩皆蹉。
退當事奇偉。夙駕追雄軻。進當取勢位。健筆爲干戈。胡然
守一節。獨自理隨和。

江亭醉後

平生尚倜儻。壯大苦摧折。主人能結納。佳境爲鋪設。渺瀰
東江來。豁訝暮雲裂。倡女稍多藝。市酒且供啜。俠氣復何
聊。心朋幸相悅。解冠從放蕩。大呼誰輓挈。咄哉千里足。嗟
呼三寸舌。悔物喚龍取。天葩令鬼折。豔唱聲非雅。戲談理
當譎。帷房笑私昵。闕巷嘲瑣屑。更鼓莫催睡。夜風纔去熱。
俗士鮮大志。于今重小節。內行豕在泥。外貌犬伏繼。吾儕
古豪傑。方寸浴日月。被謗肯自疑。爲歡顧猶拙。放飯彼不
慚。使我無齒決。

弋陽縣學北堂見夾竹桃花有感而書

暖碧復晴殷。依依近朱欄。異類偶相合。勁節何能安。同時
盡妖豔。無地容儂樂。移根旣不可。潔心誠爲難。外貌任春

色中心期歲寒正聲尚可聽誰是伶倫官

讀韓文公鴛鴦篇因廣其說

主人渴良馬僕夫念鴛鴦行遲追易及力少牽易來時聞
千里足百箭擯其懷主人雖欲買衆口大悠哉

蝦蟇

蝦蟇爾奚爲悶悶攪人耳在官不爲官在私無私事徒將
一寸口日夜相鳴吠豈能劉語言且欲噪夢寐何者孔稚
珪愛之如鼓吹誰論正與淫各自有知己

惜雞詩

曩予家居見雞有異者爲之動心嘗欲作而不果戊寅

夏五月學於山中乃追賦之曰

吾家有雞母乘春數子生生來踰六旬互覺羽翼成其母

且再卵逐之使離散衆雛既不來一子獨戀戀戀戀不肯
離逐之終不移母行無險易唧唧相追隨卵生亦云足母
伏窠中宿厥子苦無依攀背如悲哭窠中毋所安忍渴復
忘餐子於背上卧不捨須臾間我時見之喜異類能如此
因欲觀其終其終諒何似一朝大長成乃知牝牡情膨脗
娠在腹漸見東西行行行求飲食欲以助生息卵出子還
多養子何勞役朝啄荆草林暮爪汙泥濊昔時隨母意今
作愛雛心雛生誠可愛母老寧忍背物性乃不常使人心
歎慨物類本無知無知孰責之斯雞與衆異酷似有天資
天資以仁孝變更何太早况彼本無知血毛安足道萬物
靈者人孰不念其親少艾與妻子所以奪吾真五十慕父
母虞舜稱稽古埋子得黃金邇來唯郭巨古人往莫追言

之淚沾衣。斯言足自警。題作惜雞詩。

聞女子瘡疾偶書二十四韻寄示

昨日家人來。言汝苦寒熱。想由卑濕地。頗失飲食節。脾官
驕不治。氣馬癡如縷。乃致四體煩。故當雙日發。江南此疾
多。理不憂顛越。顧汝僅毀齒。何力禁喘噎。寄書詰醫師。有
藥且嚼啜。方經固靈應。病根終翦滅。但恐祟所爲。嘗聞里
中說。茲地有罔兩。乘時相習結。嗟哉鬼無知。何於我爲孽。
我本重修飾。胷中掬冰雪。禍淫雖甚苛。無所可挑挾。疑是
饕餮魂。私求盤碗設。盡室唯琴書。何路致輩血。無錢顧越
巫。刀劍百斬決。徒恣彼昏邪。公然敢抄撮。吾聞上帝靈。網
目匪疎缺。行當悉追捕。汝苦且夕歇。慈愛早有加。憶念今
逾切。塵勞差可畏。歸計又云輟。所生能劬勞。祖母矧聰哲。
羸卧縱未蘇。撫視諒非拙。勉勉多自安。風來信勿絕。

讀史

子長漢良史。筆鋒頗雄剛。惜哉聞道寡。氣志苦不常。心如
蟲絲輕。隨風東西揚。一事若可喜。不顧道所長。公言紬原
憲。俠賊乃爲良。仁義謂足羞。貨殖比君王。黃老先六經。斯
言固猖狂。吁嗟夫子沒。兩觀無刑章。予懷班孟堅。駁議何
洋洋。傳與後世人。慎思其否臧。

竹齋題事

低齋結空野。小竹移孤林。齋間竹淨好。日媚幽人心。南方
夏厭暑。獨此畱殘陰。曼雨挫促夢。穿風搜涼襟。長茵展麗
蘇。亂歌奏歡禽。待奴裹村服。語客拋塵簪。志高成利讐。思
爽生詩淫。值聖喜盈卷。感古悲入琴。山迎穩履遠。月勸澄

杯。淡。榮。名。雖。未。染。幸。亦。非。堙。沈。

雨中作

羣陰侮陽德。雨陣春嘈嘈。白曉慘成夜。瓦口生飛濤。凝雲列山靴。冷氣攢衣刀。徑闢有松竹。庭卧唯蓬蒿。花淫得罪隕。鶩辨知時逃。隰苗出水短。木菌隨日高。微吟雅於樂。快飲甘如膏。朱曦待未見。天蓋空牢牢。

閔雨詩

吳江之南是曰豐國。五種之生天下食。一歲不登吾民菜色。如何天不仁。縱彼旱孽。稱其神。矯矯赤龍。推火軒來自東。南山咸池。悞水不敢沃。陽侯失色。愁烹煎。况茲畎畝流涓涓。何足吸之。脣齒間。但見禾與黍。蓬勃紅塵起。土伯勅其屬。埽路迎飢鬼。哀哉氓蚩蚩。託身釜鬲。惟蒸炊。小人怨

咨君子。知天生天殺。今其時。我聞皇穹大德。在生育愛養。萬物同嬰兒。產民之身。賦民食。中道絕之。何所為。當時冥冥間。委任非其宜。山川之神。各守土。羣龍受位。司天池。上帝當軒親戒勅。十日一雨。無愆期。帝心仁且信。臨下固不疑。謂言庶事有分職。屏去視聽。息無為。安知愚下鬼。負德孤恩。難制指。弄天之權。侮人命。貪嗜牛羊。邀祭祀。忽焉一物不稱情。因教此旱災。生靈雷霆之官。畏罪莫敢諫。頭枕天鼓。眠不醒。帝在紫微垣。下隔千里雲。徒勞銜血向空哭。帝心雖聖。安得聞。北斗侍帝側。斡運氣。毋均四時。五星暨衆宿。照曜亡偏私。夫何容此鬼。恣行宵臆。輕天威。定是機務繁。耳目有所遺。小臣亦何者。草莽負奇節。欲係神頸。無長繩。欲斬龍頭。劍鋒缺。皇穹如未察。凶邪空使小臣心鬱。

結

甘露亭詩

乾坤父母莫匪慈。胚胎億兆成角羈。其間哺乳不及處。有時泣殺呱呱兒。南川上游號沃野。景祐丙子嘗凶飢。新田始苗舊穀罄。十室八九無晨炊。伏陰何者不仁甚。釀作水災來助之。煙煤刷天雨汁黑。嘔山泄谷爭奔馳。橫流一夜打城郭。萬弩竊發穿毛皮。東隅有洲尸揖揖。如蟻欲走遭水圍。屋根無力樹腰折。蛟蜃食人猶擇肥。濤波一望萬山阻。六親不得相扶持。國子劉公好仁者。惟時假守茲軍麾。民生在我不在命。告舟往救無敢違。童兒赤立婦女困。載之剝木何纍纍。泥沙外冷內飢渴。口噤不語如狂癡。牽攀坐卧滿府舍。賦以酒飲加饘糜。隨流往往亦不死。遠在百

里無人知。捐金購得問氏姓。召使親族攜之歸。司農倉廩盡發出。不待奏報先施爲。有餘况可補不足。大賈蓄家如響隨。來瞻去察夜繼晷。赤熱不忍蔭華棖。由斯一郡十萬戶。餓膚日月生膏脂。存者相保沒者葬。唐虞仁壽重毆躋。聖主養賢賢養物。氣和郁郁通高卑。城西老宮古松徑。一朝墜露甘如飴。千柯萬葉結不解。玉階瓊樹光離離。吐俗奔走競觀觀。手攀口吮同齋吞。學老之人周氏子。好善不類黃冠師。欲令事迹絢久遠。築亭其地高巍巍。公之歸朝不可借。松樹至今猶未衰。我作此詩揭亭上。他年墮淚如羊碑。

答緣槩師見示草書千字文并名公所贈詩序

佛繇西域漸中土。欲使羣心皆鼓舞。若顯梵語及書昧

者雖存明孰與其徒往往多材能暗結時賢爲外助遠公
自昔來廬山誇逞蓮花邀社侶吁嗟君子遭亂邦舍此未
知何處去邇來一行善記覽齧破乾坤尋曆數或攻文苑
掠芬香辭則賁休筆懷素其餘曲藝與小詩布在人間難
悉數賢豪大抵多憐才引致門墻無齟齬其人既重法亦
尊羽翼大成根本固我緣山谷見不遠緇褐憧憧盡愚魯
坐量此去朋黨衰織縞焉能拒強弩去年有使自番陽手
藉一函來我所發函乃是緣槩書千字滿前雲縷縷衆人
飽食已用心欲噍伯英肥美處當時名士嘉其能長序短
篇聯繡組因思幅員千萬里如師之能更幾許以儒輔釋
日益多何恤區區一韓愈

春社詞 并序

寶元二年嘗夢大雨震所居室驚而仆地既已有一人
甚長大紫衣而冠意謂雷之神也呼覲使前授之題曰
春社詞詞或作篇覲懼栗栗援筆得八句與之及覺尚
記其首三句頗怪麗今七年矣值暇日以五句足之
吳臺翫春鎖春色雨刷花光入龍國田邊大樹啼老鴉野
雲癡醉寒查牙年華欲住風雷惡蘭臉知秋淚先落時榮
時謝無了時扶起混沌須神醫

聞喜鵲

翩翩者鵲何品流羽毛白黑林之幽生平智力可料度有
巢往往輪鳴鳩天然卻會報人喜愚兒幼婦唯爾求萬聲
千噪幾曾驗聞者終是軒眉頭從來烏鳥愛反哺孝慈情
性誰可儔其間於事最先見告人凶禍令人憂憂時不肯

自修飾。禱請神鬼爭啾啾。告之愈驗愈見惡。共云災患鴟
之由。彈丸瓦石相驅逐。名園佳樹難依投。忠言逆耳世罕
用。屬縷曾剖伍員喉。莫笑後來司馬公。事事稱好真良謀。

夜

披衣坐小亭。夜氣拂人清。月暗先成暈。蟲吟不識名。舉杯
期混沌。開卷賞莖英。此興知誰會。松風鶴睡驚。

睡思

俗語不入耳。旅愁還對心。坐多渾易厭。夢好欲重尋。暴雨
撩篷響。殘陽過嶺陰。迴看犇競苦。此興貴南金。

鑑湖夜泛

以明月到樽前為發句

明月到樽前。拏舟古岸邊。亂山斜入霧。遠水倒垂天。酒氣
薰龍戲。歌聲弄鶴眠。迴頭啜李郭。此外更無仙。

池亭小酌

得和字

客思都無著。臨池一醉歌。喚春物象移。性入天和。月影
碎荆玉。波紋緯蜀羅。相看盡仙骨。俗態已無多。

感事

太平無武備。一動未能安。廟筭何時勝。人生到處難。役頻
農力耗。賦重女工寒。祇有肝江守。憐民不愛官。

閒居

無物可勞情。空郊日閉扃。雨吟春破碎。貧飲客凋零。世事
重江險。才名一夢醒。同心祇松栢。見我尚青青。

萍

盡日看流萍。誰原造化情。可憐無用物。偏解及時生。泥滓
根萌淺。風波性質輕。晚來堆岸曲。猶得護蛙鳴。

送張禮假

人意皆懷土。嗟君無故園。欲行須盡室。此去又他門。靜裏文章好。貧來節行存。振淹知有日。倚伏豈虛言。

寄題廖說蒙亭

聖人雖在上。君子有窮時。自得山居樂。何須世俗知。夜多松月分。涼與水風期。只恐亭通去。清閑却付誰。

養疾

少小唯貪酒。病來纔信醫。問方逋客許。尋藥野人疑。夜擣全聽慣。寒煎覺涕遲。古賢曾愛死。此意亦誰知。

遠山

最能牽病眼。天際一山橫。盡日是秋色。無人知地名。晴時雲自合。缺處路應平。才子霑衣淚。千秋共此情。

早歸

病馬不妨騎。出門常便歸。見人無事說。是物與心違。通塞元關命。驅馳轉覺非。莫教塵裏汗。壞却篋中衣。

晚聞角

傾耳斜陽裏。無聊拭淚頻。平生慣聞處。今日自愁人。夜近歇不久。風來聽得真。更何物。只此已傷神。

哭女二首

妻死女已病。踰年成二喪。此生誰骨肉。未識好衣裳。看面雖猶小。聞言盡可傷。最知憐祖母。句句刮人腸。

老樹枝葉薄。先秋風雨過。人間不善事。身外想無多。理遣誠如幻。悲來豈奈何。從前短鬢髮。爲爾漸雙皤。

小女

待汝今何待。言來淚滿襟。死生雖分定。襁褓累人心。飢買鄰家乳。寒勞社母針。豈知泉路隔。時撥蕙帷尋。

龜峰精舍

去縣二十里。路平時正春。四山唯有石。一寺更無塵。融結疑天意。經營憶古人。但知安樂處。何必是金身。

鳴蜩

雨餘雲漏日。蟲息已喧喧。時節初夏。聲音似故園。為誰吟綠野。相共送黃昏。便是秋來信。霜鬢更幾根。

送春

送爾歸天去。天應解禍浮。物生誰得所。我見獨傷心。楚詞有目春千里傷春心之句好景吟來徧。芳樽醉不禁。東風別無用。百草已成林。

次韻閻判官除夜

密雪穿窻入。孤燈向壁光。老來人不覺。夢斷酒猶香。世事休思慮。年華任短長。朽株難長育。空此見春傷。

寄黃晞

長憶黃夫子。才高行亦淳。世情輕近事。見慣即常人。何力康時務。將身役路塵。七閩山水國。是處好安貧。

迴明上人詩卷

學佛有餘力。吟詩過一生。情閑氣淡少。句好琢磨成。栢竹門庭古。冰霜筆硯清。輸他飽食者。終日自無營。

送任大中

真偽少分別。吁嗟此世情。西施作老婢。南郭逞新聲。命合生來困。詩應沒後名。旅游何所得。赤日又徒行。

送何祕丞

吳人作蜀官。萬里泝驚湍。地俗雖云異。民情想一般。智明終戒察。政惠不須寬。前史多循吏。乘閒更熟看。

鄉思

人言落日是天涯。望極天涯不見家。已恨碧山相阻隔。碧山還被暮雲遮。

少年

新翻曲調恐人傳。不許高聲唱玳筵。金獸也嫌春態淺。向風噴作綠楊煙。

自勉

月欲東生日又西。莫隨兒女醉明時。黃泉一向理愚鬼。不與人間史筆知。

戲題玉臺集

江右君臣筆力雄。一言宮體便移風。始知姬旦無才思。祇把豳詩詠女功。

雪中贈柳枝

暖氣來時柳眼新。一場冰雪更愁人。要知真宰無誠信。取次東風未是春。

柳枝答

春早寒餘豈足哀。平生多難媿非材。去年二月都城裏。曾共花房帶雪來。
慶曆二年二月五日京師大雪

讀長恨辭二首

玉輦迢迢別紫臺。繫環衣畔忽興哀。臨邛謾道蓬山好。爭奈人間有馬嵬。

蜀道如天瘦雨淫。亂鈴聲裏倍霑襟。當時更有軍中死。白
是君王不動心。

戚夫人

百子池頭一曲春。君恩和淚落埃塵。當時應恨秦皇帝。不
殺南山皓首人。

有感

官家的的耍寬征。古時什一今更輕。州縣酷嫌民漸富。幾
多率斂是無名。白刃劫若君勿言。人生禍難俱由天。君家歲計能多少。未
了官軍一飯錢。庭下縲囚何忿爭。刀筆少年初醉醒。黃金滿把未迴眼。笑
殺迂儒欲措刑。

遊寺醉歸却寄同坐

江村古寺偶閒行。一飲全疑酒有靈。水底屈原應大笑。我
今獨醉衆人醒。

索酒

不醉多愁醉多病。幾迴愛酒又停杯。死生若是有天命。莫
放愁來任病來。

憶錢塘江

昔年乘醉舉歸帆。隱隱前山日半銜。好是滿江涵返照。水
仙齊著淡紅衫。

謝傳神平土人

叢脞徒煩妙筆傳。呼兒看了獨凄然。丹青不解隨人老。相
似都來得幾年。

閏正月三日偶書二首

一步寒郊一慘眉。望春春色苦來遲。東君未必私桃李。只恐梅花謝有時。無賴年年逐酒徒。今年不飲興何如。醉鄉若有人名籍。但願春風點檢疎。

論文二首

今人往往號能文。意熟辭陳未足云。若見江魚須慟哭。腹中曾有屈原墳。天寶年中事事新。長安還有仙人騎鯨去。後無尋處輸與勾芒自管春。

漢宮

哀平外立國權分。只為當時乏嗣君。試問莽新誰佐命。最

應飛燕是元勳。

燕雀二首

燕子從來巧語聲。主人相愛是常情。黃頭老雀何能解。飽食官倉過一生。繡戶珠簾見最頻。暖來寒去但安身。翟公門下時飛入。全勝交情斗頓人。

送春

宜春臺上送春歸。淚滴金杯不自知。懊惱黃鸝解言語。飛來唯見落花枝。

曉角

腸斷城頭畫角聲。燈青月黑酒微醒。濃香夢裏誰曾管。只有離人夜夜聽。

登越山

臘後梅花破碎香。望中情地轉淒涼。遊山只道尋高處。高處何曾見故鄉。

送古山人

喜聞吉事怕聞凶。天下人心處處同。乍出山來言語拙。莫將刺字謁王公。

送毗師西遊

望望王城十二門。青山行盡入紅塵。近來富貴皆天與。到處應多問命人。

送春寄呈祖袁州

去年春盡在宜春。醉送東風淚滿巾。今日春歸倍惆悵。相逢不是去年人。

酬陳屯田途中所寄

封豕長蛇戰嶺南。何人肉食不懷慚。只今惟有高眠好。風弄松聲水濺菴。

正月二十日俗號天穿日以前餅置屋上謂之補天

感而為詩

媧皇沒後幾多年。夏伏冬愆任自然。只有人間閒婦女。一枚煎餅補天穿。

苦雨初霽

積陰為患恐沈綿。革去方驚造化權。天放舊光還日月。地將濃秀與山川。泥途漸少車聲活。林薄初乾果味全。寄語殘雲好知足。莫依河漢更油然。

野人

村落蒼茫半草茅。路無車轍水無橋。婚姻取足唯春繭。鹽酪歸來待晚樵。一樣寬衣疑效古。幾人華髮未經徭。相逢不會寒溫語。借問官家合是堯。

書麻姑廟

流俗好仙方學道。至人樂道自成仙。飛昇若也由貪欲。紫府還應用詐權。塵裏笙歌千古夢。洞中星斗幾家天。無心便是歸真日。姹女河車總謾傳。

客有話故下秘監京師舊宅因而傷之

等閑榮謝已愁聞。况話三公極寵身。青史尚爲今世事。朱門不是舊時人。文章散入諸蕃口。花藥畱添上國春。生死交情薄易見。有誰過此爲霑巾。

五龍塘

世傳鱗物有蟠時。分得寒泉住翠微。天命雖教爲潤澤。神心終是索虔祈。一圍石岸刊無迹。幾族陰雲禁不飛。風脚斗回波面黑。向人渾似逞嚴威。

寄小兒

兩世癸癸各一人。予無兄弟才生此兒三歲矣。生來且喜富精神。欲教韶亂從師學。祇恐文章誤爾身。但有犁鋤終得飽。莫看紈綺便嫌貧。不知別後啼多少。苦問家僮說未真。

秋懷

褚冠斜頂對清秋。病骨支撐懶上樓。輔世功夫何日是。少年滋味此生休。山含紅樹隨時老。天帶黃昏一例愁。自笑酒腸空半在。前村無處典鷄裘。

書松陵唱和

牙江集金
天命相逢陸與皮。當年才調兩權奇。朝端未有輸忠處。詩外應無用力時。意芒直摩軒昊頂。言微都洩鬼神私。近來此道中興也。泉下英魂知不知。

早起有懷

草草西風動葛衣。呼僮前啓竹間扉。山僧好睡鐘聲晏。社戶多貧酒氣微。豈是客愁渾較可。祇因書卷解忘歸。肝江百里清無滓。枉屬閒人坐釣磯。

清明日作

遲遲日景坐成曛。聞說清明在此晨。花卉不宜愁眼看。勾芒能爲幾人春。銷磨志氣多因老。點檢交遊半作塵。欲向醉鄉聊自適。病來還厭舉杯頻。

晚息

一檻東風小箔開。亂山明暗水縈迴。流年漸共春華去。暴熱還隨霽色來。天氣濁多人欲睡。地形卑甚物先梅。因知楚客迷魂處。不是江東不足哀。

暮春始遊城西

病多無力逐紛華。三月衡門未見花。長恐後期成索寞。果逢殘景獨咨嗟。欄干倚望山空在。杯酒遲留日易斜。謾說明年更春色。不知園囿屬誰家。

寄傅代言

交遊散盡客來稀。門掩城隅書漏遲。春地更無嫌草處。雨天還有詐晴時。輕量世事世不罪。冷笑人言人豈知。猶喜道途收拾早。將閒對病最相宜。

丙子冬至夜酒醒

盡道一陽初復時。不期風雨更淒淒。凌晨出去逢人飲。沉
醉歸來滿馬泥。多恨恐成干斗氣。欲言那得上天梯。韓文公月
蝕詩有無梯
可上天之句燈青火冷睡半醒。殘葉打窗烏夜啼。

南齋詠風

懊惱南窗一道風。只應天配與貧窮。不歸羅綺飄飄處。故
入松篁冷淡中。久座披襟塵榻穩。半醒吹面月帷空。城邊
菡萏知多少。偷得清香是爾功。

小雨

已是蛟龍未肯忙。誰教蟬竦更相妨。來時槁葉疎疎響。過
後浮雲片片光。徑草微滋垂粉汗。砌沙圓滴簇蜂房。嗟予
不及高飛鳥。先得天邊幾點涼。

題淨居院

寺門幽獨傍江城。江水清含地氣清。隔岸樓臺人醉死。遶
堦松竹夏寒生。路經橋遠塵難過。僧占閑多俗不爭。唯有
行吟憔悴客。這迴須去濯長纓。

往山舍道中作

截竹成輿不用輪。東行盡日穩宜身。前看疊嶂如無路。每
到平田始見人。下戶半曾差作後。朽株多已祀爲神。生涯
一撮誠何有。且免庸兒共拜塵。

秋晚悲懷

漸老多憂百事忙。天寒日短更心傷。數分紅色上黃葉。一
瞬曙光成夕陽。春水別來應到海。小松生命合禁霜。壺中
若逐仙翁去。待看年華幾許長。

殘葉

一樹摧殘幾片存。欄邊爲汝最傷神。休翻雨滴寒鳴夜。曾
抱花枝暖過春。與影有情唯日月。遇紅無禮是泥塵。上陽
宮女多詩思。莫寄人間取次人。

哭十姪

到官六月一作寄書廻未病封題。死後開一命至。單人盡
得九泉何事獨相催。唯憂旅櫬還鄉遠。况是親喪繼踵來。
數世學文終若此。可憐門戶轉噫頽。

秋陰

一夜風聲曉更狂。起來庭戶頓淒涼。不知紅日在何處。時
見黑雲微有光。天落水中兼鴈影。露啼林罅帶楓香。愁人
莫苦登高閣。說著江山已斷腸。

寄介夫

天恨吾儕各一方。夕陽千度到西窗。因循流俗今皆是。磊
落如君信少雙。書未隔年難得報。心從薄宦始應降。可憐
漢水無拘係。長與盱江會九江。

書懷寄介夫

棄材幸免雜輿薪。收拾緇衣出洛塵。漸老得閑纔是性。謾
言成諱且隨人。能傳身後須文字。要識胷中只鬼神。俗子
不勞輕毀譽。問天長乞醉鄉春。

俞秀才山風亭小飲

炎炎千室熱如烘。亭壓山頭獨有風。雨意生獰雲彩黑。秋
容細碎樹枝紅。半天斜日歸心動。一面平川醉眼空。却是
夢魂無所得。人間豈少翠微宮。

閩中歲暮

休道南人暖過冬。苦寒今與北方同。霜嚴欲裂地。到底日短不行天。正中誰使智愚相伴老。便將榮辱斷還空。鄉愁莫更欺閑客。薄酒從來亦有功。自樂天有酒功贊

偶題饒秀才谿光亭

北出城來駐馬蹄。君家別館幸臨谿。雄虹見雨過不斷。潦水到秋痕漸低。萬事熱心成浩歎。一樽撩眼怕長迷。俗人誰會儒生意。是處醉吟還日西。

早夏偶作

閒愁不覺過年光。強半精神似醉鄉。幾度雨來成惡熱。有時雲斷見斜陽。古人事業塵空滿。故國園林草自長。賴得南華憐我病。一篇齊物勝醫方。

自解

人生何苦要多才。百慮攢心摘不開。夜月幾曾無夢處。春風只管送愁來。禿毫強會悠悠事。浮世無過滿滿盃。看取秦坑煙焰裏。是非同作一抔灰。

不寐

四壁空空絕語聲。困來終是睡難成。孤燈要與人相背。寒漏苦教天不明。累月故園無信息。幾般閑事惱心情。別愁若解生華髮。一夕應添一萬莖。

韓偓集有自撫州往南城縣舟行見拂水薔薇之詩

南城吾鄉也。因題八句。

韓偓當年赴七閩。舟行過此倍凝神。江邊石上知誰處。綠戰紅酣別是春。往事幾多書不記。仙源依舊地無塵。花光柳色今何限。更有才人勝古人。

送王都曹

古木亭邊夜嚮晨。餞壺重疊擁雙輪。高文健筆科場手。白髮青衫宦路人。十月霜風還劈面。六街塵土會欺貧。麻源碧澗神仙地。早晚歸來伴隱淪。

蓬屋

長簷數尺庇堂東。疎漏從來只有蓬。日影碎如秋樹下雨聲。初似夜船中。竹經蠹了多垂地。箬到乾時半捲空。此處想非人所競。衆言千萬莫相攻。

堦基

堂前一級似堦墀。無石無甃只舊基。泥飭頃因年節近。蹋廟唯是客行時。誰曾羅襪雙來上。多謝蒼苔久不離。從此便成貧景致。竹簾垂處敢相宜。

宜春臺

謫官誰住小蓬萊。唯有宜春有古臺。千里待看毫末去。萬家攢作畫圖來。雲中羅綺香風落。月底笙歌醉夢回。莫怪江山苦相助。騷人沒後得真才。

東湖

古郡城池已瞰江。重湖更在郡東方。水仙坐下魚鱗赤。龍女門前橘樹香。路絕塵埃非灑掃。地無風雨亦清涼。使君待客多娛樂。只有醒時覺異鄉。

野意亭

福唐城郭掌中窺。旭日登臨到落暉。誰在畫簾沽酒處。幾多鳴櫓趁潮歸。晴來海色依稀辨。醉後鄉愁積漸微。山鳥不知紅粉好。纔聞歌板便驚飛。

靈源洞

纔出塵來尚未知。漸攀藤竹漸臨危。伏流似是龍藏處。古樹應無春到時。誰把石厓齊剡削。直教雲氣當簾帷。良工畫得猶宜秘。莫與凡夫肉眼窺。

送黃承伯

君來別我向番陽。時節初春曉尚霜。茶褐園林新柳色。鹿胎天地落梅香。此行硯席多知己。是處樓臺可舉觴。只恐詔書非久下。槐花又在眼前黃。


清話堂詩

至和元年秋九月與周伯達宿景德寺義明上人房予
喜誦李涉詩云無限心中不平事一宵清話又成空其
意與今夕相似因目其處爲清話堂且題八句

穉子相延暫解冠。一宵清話到更闌。漆盤香燼死蚯蚓。紙瓦雨聲鳴彈丸。往事莫將開口笑。勞生誰在定中看。明朝頽面還歸去。依舊塗泥濺馬鞍。

次韻酬屯田陳丈見寄

老年纔到病還催。老病成叢撥不開。腹冷有時如咽雪。耳虛終日獨聞雷。半生辛苦歸三徑。萬恨銷磨向一椀。賴得竹窗無事處。清風頗共故人來。



雙溪詩鈔

廿七

王炎字晦叔。新安婺源人所居武水之曲。雙溪合流。因以為號矣。登乾道進士。始令臨湘。受學於南軒先生。入中都官博士。慶元四年為實錄簡討。尋轉著作佐郎。出守湖州。年八十餘。著有雙溪集。炎詩頗為世所稱許。然亦多庸調。今擇其刊落者入鈔。

遊硯山

他山石徒多。罌寶匿幽僻。產璞芙蓉坑。金聲而玉德。岡巒外鈎聯。地勢中湖隔。曲塢八九家。路入羊豕迹。澗水抱石根。石骨多紺碧。北山上攬天。南山勢蟠伏。硯工二百指。日鑿崔嵬腹。篝燈礪斧斤。溪入逾百尺。我行冒風雨。周覽不知夕。夜宿茅茨下。青燈照岑寂。酒闌呼匠氏。訪之語纖悉。

雙溪詩鈔

水蠶吐銀絲。蛟人織霧縠。巧手琢磨之。價直黃金鎰。斷高
坐傾欹。舊穴久湮塞。芴求得他材。飲水不受墨。堅滑已支
庶。麤燥乃臧獲。信知天壤間。尤物神所惜。罕見固爲貴。有
亦未易識。璿玉混一區。語盡三歎息。摩挲蒼蘚崖。此言可
深刻。

春日遣懷

感懷細數十年事。養拙略無終日閒。景物自新春稍稍。吾
親漸老髮斑斑。豈曾有夢到天上。且任此生浮世間。願約
漁樵同小隱。謂予不信有南山。

麥苗已有生意。掘身稷者未止。

兒童飯犢女採桑。水滿東皋耕事忙。稻秧半綠麥半黃。天
許食新餽粥香。田父咨嗟仍笑語。赤地一年今得雨。紫蠶
有根妻子喜。免填溝壑棄閭里。

元日書懷

年光除日又元日。心事今吾非故吾。兩板不須書鬱壘。一
杯亦強飲屠蘇。添丁解事尋王母。內子傷時念老姑。欲報
情深恩罔極。不終反哺愧林烏。

送游大冶歸建陽

西風來厲歲欲晚。衰柳鳴蟬人語離。市道交游何足數。君
家父子總相知。讀書要見古人意。立事正須年少時。話舊
班荆尚無日。莫忘苦語有箴規。

生朝無以自慰。作留貧薦一杯。

私居飯半菽。官舍食無肉。何乃太清生。囊無一錢蓄。人言
骨相寒。有智不如福。貧者輕於葉。富者重如玉。輕重信然

否世情手翻覆。相彼守錢虜。無厭溪壑欲。口不談古今。枵
然瓠壺腹。渠固笑我癯。我亦笑渠俗。珊瑚數十株。胡椒八
百斛。冥冥鬼瞰室。一跌赤其族。未若貧而安。高枕睡常熟。
我家雲溪陽。側數椽屋。屋後蒔菘韭。屋前種梅竹。室中
四立壁。但有書可讀。世故驅我來。營此升斗粟。仕不上青
雲。何如返耕牧。頗怪草玄翁。乃謂貧可逐。卒歲一布裘。終
朝一饘粥。此外何所求。吾生無不足。

用前韻答黃一翁二首

緼袍敵狐裘。晚飯可當肉。諱窮竟未免。豈不愛儲蓄。嗜利
穎有泚。恐愧王永福。財固禍之媒。越鄉忌懷玉。君看座右
器。已滿卽傾覆。賢用功處。清心而寡欲。於世淡無求。乃
能實其腹。誰令青衫失策混流俗。黃子振鷺姿。筆力扛

百斛笑人龜手藥。欲售先聚族。知余頗清苦。應物未圓熟。
游宦不能巧。俯首立矮屋。鍛鍊知精金。祁藥見松竹。自立
不堅定。庸行徒聖讀。誰謂漆園高。俯首欲丐粟。窮作扣角
歌。老厭淄川牧。古道寔斷喪。時人方逐逐。有田南山南。可
辦一盂粥。請賡歸去來。世路早收足。豆羹采藜藿。鼎食厭梁肉。士欲齊得喪。胸次要涵蓄。我晚
頗聞道。寧有慧無福。外物皆浮雲。此道等珠玉。閱事如閱
碁。已過安用覆。回光照諸妄。稍稍淡無欲。與君共玄談。一
笑時捧腹。吾作詩留貧。此語頗驚俗。細看苜蓿盤。豈減檣
椰斛。見金不見人。渠輩非吾族。君獨臭味同。吾固知之熟。
平生求益友。今日並牆屋。不肖兒事錢。寧以君呼竹。力學
追古人。經史費抄讀。我方病少瘳。擁衲膚有粟。百念漸灰

冷有牛不須牧。君如汗血駒。墮地必馳逐。甘爲走踈踈。耻作雌粥粥。有玉未嘗獻。豈憂終別足。

公檄如蒲圻訊民之食菜事魔者作詩憫之

三代日方中。爲民破重昏。既蝕復光融。孔孟道益尊。古禮今則亡。陳編意猶存。飲燕用觥籌。薦享羔羔豚。翟墨何爲者。髡首徒實繁。不飲非良義。不殺非知仁。舉世昏不悟。跣足行荆榛。胎禍產妖幻。與佛岐又分。俗愚有罣誤。吏議多深文。怒言必溢惡。疑似恐不根。黔首亦何罪。可憫不可嗔。大道若返古。怪說難眩民。帝居虎豹守。此語誰扣關。

和游堯臣勸農韻

傳呼穩凭筍輿行。喜見漫山麥浪平。道上老農皆好語。年來地更有新耕。草深黃犢陽坡暖。雨過青蒲野水生。桃李陰中春事好。田家鷄犬亦歡聲。

到胡道士草菴

清風颼颼竹萬箇。白日寂寂茅三間。春深只有鳥呼夢。地僻略無人叩關。豈但壺中堪避世。也勝圖上可遊山。出門回首不能住。輪與道人閒復閒。

出郊雜詠四絕

閉戶不知春色佳。柳稍欲暗可藏鴉。鴨頭新綠齊腰水。女嬃輕紅刺眼花。
道上東風掠面輕。一犁雨足得新晴。草頭蛺蝶自由舞。林下鷓鴣相對鳴。
孤煙近見數椽屋。急水時行獨木橋。入眼異鄉風景別。脩眉一抹暮山遙。

雲昏山色收圖畫。雨過泉聲雜管絃。馬上得晴春滿眼。好花迎客亦嫣然。

旅中思家

野田既雨水皆滿。山路無風花自香。且復將身供世事。也能隨處對春光。絕嫌俗物眼多白。未辦生涯鬢已蒼。待看植梨粗可教。老夫耕釣卽韜藏。

晚憇田家二絕

家書未到鵲先喜。春事無多鶯又啼。偶對好山留客坐。綠陰遮屋日將西。

山間一徑牛羊迹。林下數家鷄犬聲。底事居人苦爭畔。閒田官正募民耕。

上巳

莫春被襖好天氣。不到水邊流一杯。旋擘紅泥嘗煮酒。自循綠樹摘青梅。淹留異縣客多病。迢遞故鄉書不來。歷歷舊時行樂處。凭欄小立首空迴。

過涪溪讀中興碑

日光玉潔元子辭。銀鈎鐵畫顏公書。百金不憚買墨本。摩挲石刻今見之。猗那清廟久不作。其末變爲王黍離。春秋一經事多貶。魯頌四篇文無譏。漁陽鼙鼓入潼華。公卿徒步從六飛。朔方天子扶九廟。京師父老迎千麾。紫袍再拜謁道左。上皇萬里旋鑿輿。牝味鳴晨有悍婦。孽狐嗥夜有老奴。扶桑杲杲未翳蝕。但歌大業吾何疵。首章義正語未婉。前輩不辨來者疑。正須細讀史克頌。未用苦說涪翁詩。許張勁節震金石。李郭壯武如虎貔。斷崖蒼石有時泐。諸

公萬古聲烈垂。天憐倦客有所恨。雨濕江寒催解維。神州
北望三歎息。翰墨是非何議爲。

湘中雜詠三絕

有懷冉水柳司馬。更憶浯溪元道州。仕宦兩公俱落莫。斯
文千古共傳流。

順流鳴櫓不論程。上水開帆取次行。逆順自從人意轉。風
生波湧本無情。
中流四顧浪花平。雙櫂夾船鵝鷓鳴。欸乃聲中山水綠。不
妨緩緩計歸程。

豐年謠五首

滿箔春蠶得繭絲。家家機杼換新衣。五風十雨天時好。又
見西郊稻秫肥。

縱橫南陌接東阡。婦餉夫耕望有年。前此丁黃饑欲死。今
年米賤不論錢。

洞丁徭戶盡歸耕。篁竹無人弄寸兵。要識二天恩德廣。黃
雲千里見秋成。

睡鴨陂塘水慢流。離離禾稼滿平疇。共言官府催科緩。飽
飯渾家百不憂。

稻如馬尾覆溝塍。桑柘陰中鷄犬鳴。收穫登塲便無事。輸
租人不入州城。

再用元韻因簡縣庠諸先輩

書生卯飯動及午。薑糝菜絲煩自煮。異時甘脆屋渠渠。出
自空腸千卷書。竹間杵臼相敲擊。茶不療飢何苦喫。泉新
火活費裁排。呼奴更挈銅餅來。蜀客見之心逐逐。暫借紙

窗休繭足歸歟家在淮湖邊。草魁可買無青錢。不辦雲腴
供粥飲。空有束詩如束筍。青箬小分鷹爪香。江上孳舟當
遠引。

江上為韓毅伯訪得便舟

銅墨纏腰雪上頭。人生一飽亦難謀。天明忽暗釀梅雨。風
暖又寒催麥秋。老矣不堪時節換。粲然方幸故人留。白雲
呼去淮山住。強為江邊問買舟。

解官到郡諸丈置酒岳陽樓。招炎為客鄧巴陵。索詩
重上危樓覽洞庭。故人一笑對飛觥。君山只似扁山綠。江
水不如湘水清。一日勝遊成樂事。三年俗狀奪詩情。天涯
解后還離別。莫惜尊前底裏傾。

和程丞遊清水晶黃龍山韻

嵐光野色共扶輿。見說壺天氣象殊。巒巘吞雲圭角露。寒
泉觸石篆文紆。荒涼佛屋存遺像。窈窕仙崑有別區。何日
青鞋親扣歷。細評佳致染松腴。

和陸簿九日二首

西風拂面飲微酣。小摘茱萸手自簪。極美酒兼詩共好。正
綠人與景相參。杜門不復貪游賞。落帽無由際劇談。嘆息
登高兄弟遠。目隨鴻鴈過天南。
風露蕭蕭木半黃。老來淡薄似秋陽。一樽冷落思佳客。九
日淒涼在異鄉。採菊何心追靖節。哦詩無語答仇香。危臺
戲馬今安在。休惹清愁攪石腸。

題童壽卿博雅堂

會道莫如約。要識胸中真。講學亦貴博。不廢紙上陳。王充

與李邕世豈無若人。中秘未許見。市肆何所聞。童君家多書。乃爲我輩慮。安用蓬萊山。萬卷皆此聚。又復附益之。秦碑及周鼓。剡溪來楮生。歛穴會石友。持此分雅俗。清渭映濁涇。不賄屋自潤。無爵身亦榮。好事時相過。不憚倒屣迎。揮塵言有味。寂如無市聲。孰如漢中郎。孰似楚左史。孰能誦亡書。孰解作奇字。是中猶淵海。隨取卽隨有。或問買幾何。還可商度否。掀髯笑謝客。吾非鬻書叟。

題遠山平林圖

山色微茫疑有無。木葉半脫殊蕭疎。雲根更着數椽屋。此屋當有幽人居。墨妙逼真乃如此。畢竟非真惟近似。何如履齒飽經行。是處溪山皆畫筭。還君圖書且歸家。在江南依翠微。

用元韻答劉判官

解后章江上。知從五馬車。君才猶未用。吾老更焉如。閒澗思眉宇。殷勤得手書。喜聞衣綵樂。入饌有江魚。

冬雪行

并序

甲寅歲雖小稔。縣官和糴米價遂增。兩日雨雪。市中貧民有無炊煙者。艱糴反甚於去年之凶歉。父老輩遂具公牘赴訴于庭。因成冬雪行一篇。其辭如古樂府。其義則主文譎諫言之可以無罪者也。

擁衾展轉夜不眠。細數更籌知苦寒。角聲未動紙窗白。兒曹報我雪滿簷。玉妃剪水出天巧。飛花萬點爭清妍。朱門貴人對之笑。初見一白來豐年。金罍玉爵扶春筭。飲罷敲冰煮新茗。綉幃中有紅麒麟。輕暖勝春尚嫌冷。窮巷小家

真可憐。典衣糶米無炊煙。江頭津吏日來報。往往上流無
米船。縣官要糶十萬斛。天上符移星火速。去年秋旱糶陳
腐。今年秋熟米如玉。且願扶桑枝上紅。日轂東來却膝六。
今年冬雪民已懼。明年春雪民更饑。九關有路虎豹守。欲
語不敢空長吁。

次韻答簡簿

少日牛衣嘗熟眠。老來駝褐不護寒。欲呵龜毛拈秃筆。怯
看冰柱懸疎簷。東風不解着梅柳。翻作六出欺春妍。春回
臘盡亦何好。但爲浮生添一年。負郭有人如石笋。雪裏哦
詩自烹茗。留中盎盎有天和。戶外蕭蕭尚水冷。日炊脫粟
不自憐。却念野廬無爨烟。此憂未知可解否。準擬爲君浮
酒船。酒醒頷頷瀉珠百斛。定覺揮毫轉神速。聞道諸公雙眼

青。豈終遺此豐年玉。倦游別駕老更貧。自謀慚似龜藏六。
詩來謂我清而懼。我方忍慾將忍饑。短裘歸釣寒江雪。紛
紛世事休嗟吁。

題徐叅議所藏唐人浴兒圖

右相嘗慚呼畫師。技癢仍復拈毛錐。逼真誰作此贋本。亦
有妙意生妍姿。中庭燕坐必主婦。綠雲高髻香羅衣。嫣然
嬪妾左右侍。前浴能言丹鳳雛。娉婷及笄女公子。素腕擁
項相攜扶。兩兩爲朋四髻鬪。乳盧隨逐相諧嬉。掌中看珠
二少艾。捧頤却立鴉鬟奴。屏間擁膝袖玉笋。疑是夢闌顰
翠眉。側身背面按箏者。冰肌綽約不自持。牀前跪起各姝
麗。爲兒理髮按涕洟。有犬爛斑受摩撫。與人習熟無猜疑。
梳裝淡薄服製古。如見不窳貞觀時。若非侯家及主第。人

物無此美且都。荆釵布襦。小家婦生子。不如山下麩。

題徐商叟所藏李伯時四天王圖

龍眠有巧手。幻出汗血駒。老衲或戒之。回向心地初。遂畫
白衣仙。漸與梵釋俱。北方四天王。亦附瞿曇居。雜以馬龍
像。宿習終未除。四王名字異。且復形狀殊。信者謂其有疑
者。意其無蕩蕩。天門高。誰能凌空虛。何以信不疑。取諸貝
葉書。子不語怪神。從釋恐畔儒。語之且不可。筆之其可乎。
因畫議及此。於公意何如。

卽事

時寓清化

久轅囊中句。時看肘後方。有家如旅舍。無事似僧房。梅白
墻頭笑。榴紅甕面香。杖藜如可出。溪上探春光。

勸農道場山

練日遵詔條。行春勸耕事。擁旆有傳呼。據鞍小馳騖。兒童
喜聚觀。父老歡來詣。松徑度坡陀。蓮宮得清閤。此行非邀
遊。所職在撫字。示之淺易語。諭以丁寧意。扶杖旣言歸。解
衣聊少憩。山中無俗情。物外有幽趣。僧閒衆所羨。農困吾
甚愧。不敢飽登臨。肩輿下山去。

夜半聞雨再用前韻

轆轤百尺汲無水。映日四山雲不起。朱轡浪說勸農桑。衣
食何從可甘美。禱而得雨不苦旱。竊疑此殆偶然爾。夜半
潺潺簷溜鳴。孤枕夢回心失喜。兒童挽犢婦餉饁。襪襍耕
夫亦勤止。鼠跡印我榻。上書蛛絲罨我壁。間塵抖擻習中
三斗塵。強欲哦吟無好語。請公酌酒更揮毫。快寫珠璣歌
喜雨。

雙溪種花

雙溪漸有雜花開。每日扶筇到一回。勝似名園空鎖閉。主人至老不歸來。蒼頭爲我斲西山。扶病移花強自寬。縱不爲花長作主。何妨留與後人看。


舟行過白石。見將使夜宿毛家林。翌日到莘莪却回。

和清老

蒼頭倦晨炊。卯飯幾及午。泝流亦日中。舟子亦良苦。魚躍戀芳餌。鷗飛避鳴櫓。仙翁所退藏。好境自呈露。溪水清可鑑。山雲橫不度。坐斷泉石幽。不受塵土污。問之何所得。妙處難悉數。初非練玉泉。亦不鳴天鼓。人癯道方肥。心遠貌亦古。老衲問我來。得句時一吐。物色盡詩材。筆底隨指呼。行行更前之。繫纜日未暮。轉施涉奔湍。支筇入幽塢。倦甚宿茅茨。睡熟不能寤。遲明又蓐食。凌風上前浦。重露兩點疎。晴嵐雲氣布。蝗蝻尚飛揚。禾稼難愛護。村落有狗偷。老倪且狼顧。念此一悄然。回舟雙港渡。空羨皎然師。詩成有神助。

病中書懷 丙子

雀骨雞膚不耐寒。那堪癬疥更斑爛。開年慘淡陰兼雨。終日抓搔寢不安。未可給扶親几杖。豈能見客攝衣冠。人言剝復相更代。頻把韋編反對觀。



眉山詩鈔

世八

唐庚字子西眉州丹稜人年十四能詩文賦明妃曲題
 醉仙崖諸作老師匠手皆畏之中紹聖進士為州縣官
 至大觀始入為博士張商英薦其才除提舉京畿常平
 商英罷相庚坐貶安置惠州會赦復官承議郎提舉上
 清太平宮歸蜀道病卒年五十一自南遷海表詩格益
 進曲盡南州景物略無憔悴悲酸之態劉潛夫謂其出
 稍晚使及坡門當不在秦晁下今觀其結束精悍體正
 出奇芒酸在簡淡之中神韻寄聲律之外雖云後出固
 當勝爾

憶昔行

憶昔方東來亭傳荒荆棘風庭紅葉乾雨砌蒼苔濕飢虎

撥門開。哀禽向人泣。十載却西還。亭傳已完葺。青鎖揖江山。朱欄趁階級。行旅糧不賫。大路遺敢拾。蜀道無難易。人心自寬急。寄信守亭者。勿使狐狸入。

張求

張求一老兵。著帽如破斗。賣卜益昌市。性命寄杯酒。騎馬好事人。金錢投甕牖。一語不假借。意自有臧否。鷄肋乃安拳。未省怕嗔毆。坐此益寒酸。餓理將入口。未死且強項。那暇顧炙手。士節久凋喪。舐痔甜不嘔。求豈知道者。議論無所苟。吾寧從之遊。聊以激衰朽。

黎城酒

黎城酒貴如金汁。解盡寒衣纔一吸。獄曹叅軍到骨窮。簿書吻燥何由濕。夜來細雨落簷花。對客惟有嘗春茶。明朝

踏月趁早衙。免使路中逢麴車。

晝寢效魯直

雨餘熱喘殊喊呀。坐翻故紙腰足麻。鋪陳枕簟拳青紗。倒牀不復知橫斜。夢魂飛揚遠還家。故人見我一笑譁。須臾睡覺衙鼓搥。墻頭暝雀聲槎槎。

城上怨

雨似懸河風似箭。風號雨馳寒刮面。何處巡城老健兒。城上謳吟自哀怨。不知底事偏苦傷。聲高聲低哀思長。戍邊役重喪酷法。去國年多息故鄉。城上歌時夜方半。正是孤齋醉魂斷。和風和雨兩三聲。推枕投衾坐長歎。傳聞黠動熙河戰士連年不解戈。今夜風號雨馳處。城上哀怨知幾何。

客至

山頭竹萬箇。風來玉相憂。下有屋數間。蕭然如佛刹。門無車馬喧。幽徑芳草茁。隔窓識君聲。遽起投筆札。黃雞未啄黍。環堵無可殺。園蔬煮淡泊。山泉啜甘滑。何以樂嘉賓。春禽日嘲哂。

聞東坡貶惠州

元氣脫形數。運回天地內。東坡未離人。豈比元氣大。天地不能容。伸舒輒有碍。低頭不得仰。閉口焉敢頰。東坡坦率老。局促固難耐。何當與道俱。逍遙天地外。

寄郭潛夫

我等游瀘江。泛舟奔楚宮。黔江自南來。胥會涪之東。黔江清且碧。瀘江濁而紅。紅碧不相入。分流如卧虹。羣潛激湍

濤。洶湧成戰攻。須臾盡變濁。混混顏色同。清固不勝濁。此理天下通。君視開成間。牛李爭長雄。要之贊皇子。不勝太牢公。物理自古然。徘徊歎無窮。

送趙元思司法

誰不從王事。夙夜獨匪懈。休沐猶坐曹。伏日不歸廨。平生熟大法。餘事止小楷。自稱霹靂手。作縣真癩疥。董宣雖強項。臨事中實駭。從君學吏禮。稍稍識起拜。今當告別去。何以贈行邁。二十罰自親。此理須少戒。

到任後寄家兄

君子所就三。為食最為下。起家仰寸祿。此實下焉者。南山無敝廬。千里就館舍。但使食有魚。敢言曹乏馬。同寮皆故人。每事相假借。况復官長賢。醉歸應不罵。

送趙安道下第

大官危小官卑。君不得官君勿悲。君不見前日宰相今海
涯。胡椒八百斛。流落知爲誰。又不見州縣官。折腰事細兒。
常憂一語不中治。敢對西山笏拄頤。大官危小官卑。君不
得官君勿悲。願君酒量如鷓夷。勿作瓶罍居井眉。與君賭
取醉爲期。明日烏帽風披披。

中秋遇雨感懷呈世澤彥直

初遊東都年二十。清歡趁得中秋及。南陽會中酒徒集。惠
和坊裏綉鞍入。蟹螯嘗新左手執。鷄頭未老撿玉粒。杯行
到手不待揖。明月清風供一吸。纏頭不惜傾箱給。倚賴決
科如俯拾。誰知得官反拘繫。此景此歡那復緝。今歲中秋
雨如泣。窮山半落秋光濕。孤燈熒熒照書笈。屈指流年如

箭急

讀邸報

當今求多聞。取士到蓬葦。時時得新語。誰謂山縣僻。昨日
拜御史。今日除諫官。立朝無負漢。恩厚論事不妨晁氏安。
臺省諸公登袞袞。閉門熟睡黃紬穩。

訊囚

參軍坐廳事。據案嚼齒牙。引囚到庭下。囚口爭喧譁。參軍
氣益振。聲厲語更切。自古官中財。一一民膏血。爲吏掌管
鑰。反竊以自私。人不汝誰何。如摘領下髭。事老惡自張。証
佐日月明。推窮見毛脉。那可口舌爭。有囚奮然出。請與參
軍辨。參軍心如眼。有睫不自見。參軍在場屋。薄薄有聲稱。
只今作參軍。幾時得蹇騰。無功食國祿。去竊能幾何。上官

乃容隱。曾不加譴訶。囚今信有罪。參軍宜揣分。等是爲貧
計。何苦獨相困。參軍噤無語。反顧吏卒羞。包裹琴與書。明
日吾歸休。

喜雨呈趙世澤

去年雨多憂水潦。今年雨少憂枯槁。都緣縣政失中和。水
旱年年勤父老。前時雲起雨欲落。夜半風來還一掃。明朝
引首望雲漢。屋上晨暎仍杲杲。賦輸百萬未破白。簿脚何
緣得勾倒。上書自劾欲歸去。老婦挽衣傷奪藁。技窮往訴
北山神。是夕沛然償所禱。稻畦穰穰勢已活。竹裏蕭疎聲
更好。故應神意閤孤拙。苟免歲終書下考。便安杵臼伺秋
成。雲子滿田行可擣。

蓬州杜使君洪道屢稱我于諸公聞之愧甚爲詩謝

之

去天一尺古蓬州。年來除守得勝流。渠家本是城南杜。詩
律賢我三千籌。如此才高却解事。入眼人才皆可意。他邑
猶分刺史天。片言每爲將軍地。故應憐我退無田。力相推
挽令向前。傍人聞說皆撫掌。竹竿那使鮎魚緣。

嘲陸羽

陸子作茶經。竟爲茶所困。其中無所主。復著毀茶論。簡賢
傲長者。彼自愚不遜。茶好因自若。于我意。情恨便當脫。野
服浣。瓊爲一獻。飲罷挈茶去。譬彼澆哇碗。君看欄正平。意
氣真能健。達與不達人。何啻相千萬。

戊子大水

踏歌喧喧雜鑼鼓。潭邊呼龍今作雨。龍噴揮水十丈餘。千

材萬落幾爲魚。寄謝龍神且安處。熟睡深潭不驚汝。
夜半傳呼河入室。覆衣下牀深沒膝。舊來水不到譙門。老
巫歸咎西門君。西門君去老巫舞。明年却娶河伯婦。

除鳳州教授非所欲也。因作此以自寬。

人生纔食頃。何處分好弱。刑獄卽道場。筦庫有真樂。故紙
終日翻。毛錐幾年閣。百函無力致。諸公誰說著。承學授
乏。頗訝名字錯。宿業豈無戀。得治不敢躍。骨肉遠難俱。囊
裝貧易縛。師儒要好手。老大良非脚。憂盡識羨空。抽窮知
藹薄。後生端所畏。人材若爲作。豈惟嘲孝先。便恐困有若。
行路固知難。得地幸不惡。柳拖千丈絲。山集五色雀。絳紗
諒無有。苜蓿聊可嚼。况聞豆積嶺。中有不死藥。

將家遊治平院

蓋老杜所謂東津也

年來官職如水樣。只有登臨作酌賞。好山一一如佳士。令
人欲作傾家釀。昨日西樓弔王孫。今日東津悲逐臣。江邊
勝事略尋徧。不見海棕高入雲。

受代有日。呈談勉翁謝與權

老來忽忽流年緊。三見涪江秋葉隕。祗緣二子日相從。便
覺一瓢窮可忍。東津曉作招隱賦。西樓莫得思歸引。文字
能令酒盞寬。江山未放詩才窘。分題踴躍誰避席。得句歡
呼同破準。泉名三逸本戲語。野史千年傳不泯。醉歸半路
飛蝙蝠。餘興中宵伴蚯蚓。那知須鬢禿于筆。但見兒童長
如笋。雷滯甘爲西域胡。衰遲更結東遊鞞。故山咫尺未成
歸。坐使蒼顏厚如脰。

與舍弟飲

温酒澆枯腸。戢戢生小詩。詩中何等語。酒後那得知。黃菊
遂行邁。徑去不復辭。拒霜猶屈強。其勢何能爲。但問酒有
無。勿計官高卑。江邊捕魚郎。教我當噉醅。

劍州道中見桃李盛開而梅花猶有存者

桃花能紅李能白。春深何處無顏色。不應尚有數枝梅。可
是東君苦留客。向來開處當嚴冬。桃李未交遊中。卽今
已是丈人行。宜與年少爭春風。

武興歌

去年山中無黍稷。只有薤根并橡實。薤根作麪如食蜜。橡
實炊飯如剝栗。東家有錢食橡實。西家無錢惟食薤。今年
薤盡橡實貴。山中人作寒蟬枯。

旣以前韻贈勉翁復懷庭玉因爲次韻

千金駿骨買虛名。驥老通衢價未平。逐去定知窮不死。向
來元以句爲生。東風又見鷺朋友。北信難憑雁弟兄。欲寄
此懷惟有月。天涯分與故人明。

游仙雲宮

出郭三竿日。橫江一葦航。雀飛田有麥。蠶罷野無桑。下馬
危梯滑。開門古殿香。雨餘丹井溢。苔入醮壇荒。畫老星辰
動。碑殘歲月亡。鍾聲落城市。符祝走村鄉。塋鳥啼巴蜀。山
崖刻漢唐。臨歸更回首。惜此一襟涼。

直舍書懷

寸枉非吾志。休論尺與尋。黃披終日卷。青對十年衿。風眩
藥囊減。雨昏茶椀深。楊雄名宦總。都向草玄沉。

箇處本來冷。此時仍更清。擁爐成久坐。曳杖却徐行。暝色
侵書帙。秋陰入鼓聲。悠然索馬去。祇此是功程。

夜坐感懷

聲斷鍾樓月。文書對坐時。破窓燈焰走。凍研筆鋒遲。名利
髮將鶴。風霜手欲龜。何當一蓑雨。披曉剪蓴絲。

述懷

名字雖云繫。列曹儒風門。戶只蕭騷頭。願自揣宜藏。拙指
日何妨笑。養高本以食貧來。仰祿豈于王事更辭勞。老來
精力堪驚歎。一紙文書輒數遭。

秋夕書懷

疊疊歲華侵。垂垂老境臨。時光自風雨。寒色到衣衾。萬竅
號秋杪。孤燈照夜深。蛩聲亦清苦。唧唧伴人吟。

過田橫墓

成則爲王敗則亡。英雄成敗本尋常。滄溟無際何妨死。却
死東郊未耿光。
九江梁楚竟誅夷。自古才高必見疑。脫使酈生猶未死。將
軍來此亦何爲。

和程大夫荔枝

家在岷峩飽荔枝。十年遊宦但神馳。側生流落今千載。入
貢稱珍彼一時。定自不將凡果比。如何偏與瘴烟宜。白頭
莫作江南客。辜負山中故友期。

寓精道齋有感懷家山

論兵作賦兩怱怱。人事光陰轉首空。半夜夢飛山色裏。一
年秋在雨聲中。揚州騎鶴非無意。上蔡牽黃信此窮。幸有

林泉未歸去。欲將清興問征鴻。
悠悠功業老堪憐。舊事憑誰可共論。直欲酒中賒快樂。尚
能花裏覓寒溫。詩書悞我成何事。歲月侵人不見痕。汾水
年年秋雁到。庾郎何處不銷魂。

晚春寄友人

眼底春愁惱殺儂。揚州往事旋成空。風流只合稱狂客。衰
颯何堪作病翁。水國春深梅子雨。江天日暮鯉魚風。何時
執手同尊酒。收拾清歡笑語中。
滿眼蘼菁斷送春。多情饒病兩關身。只知老去人心改。不
覺愁來酒盞頻。霜鶻空拳知有命。溟魚竭水恐傷神。丈夫
出處端無據。猶欲辭家再入秦。

春日雜興

愛梅長恐着花遲。日禱東風莫後期。及得見梅還淡冷。東
風全在小桃枝。

茸茸小雨弄春晴。已有狂花未見鶯。便使一年惆悵在曉
窗。寒夢別輕盈。

短帽輕衫信馬行。郊原春色太牽情。兔葵燕麥渾閒事。最
有蘼菁到處生。

月團新碾破春醅。賴有歸鴻寄好音。人在天涯莫回首。恐
偷華髮上瑤簪。

別閩中許秀才

臨歧長歎息。此歎意深微。浮世年年別。初心事事違。捫參
蜀道遠。犯斗海槎歸。故國有餘樂。黃雞秋正肥。

灌息軒

仙家林館碧雲圍。掃却浮塵畫掩扉。萬事年來俱是幻。一
瓶朝汲已忘機。花深曲徑春無盡。人在閒庭鳥不飛。見說
漢陰今復有。欲凌霄漢挹清輝。

書新堂

疊茅重葺一堂新。設榻聊安簿領身。落枕不知鶯樹曉。污
書長苦燕泥春。嶽官何預青苗事。野意新便白葛巾。能向
此間時得趣。何須分外拜車塵。

除夕感懷

永漏侵春已數籌。地爐猶擁木棉裘。無心豈畏三屍訴。愛
日還驚一歲休。故國二千空醉眼。新年三十恰平頭。光陰
未用相敦迫。領取衰翁兩鬢秋。

春日郊外

城中未省有春光。城外榆槐已半黃。山好更宜餘積雪。水
清欲倒垂楊。鶯邊日暖如人語。草際風來作藥香。疑此
江頭有佳句。爲君尋取却茫茫。

自笑

已白窮經首。仍丹許國心。那能天補綻。更欲海填深。見餒
噴郎罷。妻寒望藁砧。世間南北路。何用爾沾襟。

直舍夜坐

強仕似幼學。細書仍短檠。月來吟處白。風及醉時清。坐久
露微濕。更深秋有聲。不知愁底事。終日自悲鳴。

內前行

以後係惠州詩

內前車馬撥不開。文德殿下宣麻回。紫薇侍郎拜右相。中
使押赴文昌臺。旄頭昨夜光照牖。是夕收芒如秃筭。明日

化爲甘雨來。官家喚作調元手。右相視事。明日始得雨。喜甚。書商霖二字。賜之。
周公禮樂未要作。致身姚宋也不惡。向來兩翁當國年。民間斗米纔四錢。

長沙示甥郭聖俞

我昔官閩中。子時趨長安。相過日夜飲。肯使笑語乾。但知醒復醉。誰問甜與酸。攬衣步中庭。仰首羨飛翰。誓言早歸休。慎勿貪高官。時未有添丁。眼前惟木蘭。甥舅一分背。日月雙跳丸。那知十年外。相見西江干。拜起未寒溫。悲來各洗瀾。我髯已秃翁。子顏非渥丹。相從海上志。茲事人所難。阪行白漭漭。山宿青攢攢。人烟小歲後。草木深冬完。昨日次長沙。扁舟掠湘灘。中流遭惡風。滿衣潑驚濤。船如箕尾點。天作車輪圓。怖畏目敢側。禱祈指頻彈。向非鬼神助。幾

作蛟龍。嗟忠信時可憑。聖賢豈吾謾。勿畏嶠南熱。我清物自寒。勿憂海邦陋。心廣身亦寬。磨刀斫鯨鱗。隱几看鵬搏。努力近藥物。明年理歸鞍。得之兩鴻鵠。龜筒不須鑽。

張曲江鐵像詩

像在韶州。韶人相傳。明皇悔時所鑄云。

開元太平久。錯處非一拍。就令乏賢人。何至相仙客。直道旣凋喪。曲江遂踈斥。汲黯困後薪。賈生罷前席。金鑑束高閣。鐵胎空數尺。妙處難形容。英表良髣髴。摩挲許國姿。尚想立朝色。同時反棄置。異代長歎息。

湖上

佳月明作哲。好風聖之清。湖邊得二友。夜語投三更。煙露兩相濕。水天參互明。散衣芭蕉涼。曳杖梳柳輕。星走拋餘亮。山空答虛聲。歸矣不可留。過幽恐神驚。

雙榕

水東雙榕間有叟時出遊清風衣屨古白雪鬚髯此吟哦
明月夕簸弄寒江秋驚傳里中兒不泊岸下舟君看鬼趣
中有此風味不安知非黃石但恨無留侯此生鈕犂手誤
入簪紳流無功折毫髮負罪平山丘政爾求澡濯聞之歎
綢繆摠衣倘可親跪履安敢羞得聞半偈語一解終身憂
性不喜伐國兵書非所求

大熟行

去年大雪埋尺筴水北荔枝遭凍死其填北客帶寒來我
欲分疏誰受理今年諸嗣十分熟東江不下龍川米南翁
北客兩欣然孰與忍飢冷荔子

蜜果

大且雞已曉猶強鳴書生坐口窮抵死輸血誠嶺南
只蜜果海道趨彤庭黃蜂樂受職紫鳳助揚舩忠勤雖云
主思慮良未精由來瘴癘鄉不識霜雪情土風不待講氣
象昏如醒秔稻秔熟水泉水泉腥而况野果實豈足奉
聖明未論體性殊已覺面目生食之倘有補勞者甘如飴
政恐無裨益所出非和平上林寧少此下箸安可輕軒轅
嘗百毒上古雜神靈武王嗜鮑魚幾諫使老成荔蕘復何
有葵藿但自傾

圓蛤

黃犢鳴水中相顧皆愕然探之亡所得有蛙僅如錢持問
傍舍翁云此號圓蛤夏潦漲溝渠喧呼自酬答卒然聞其
聲謂當可專車既見一撫掌寸莖量有餘物生元氣中小

大各異趨。蛙質黃牛鳴。持此欲誰附。我居固已陋。爾鳴浪亦村。綿蠻轉黃鸝。我今思故園。

白小

二年遵海濱。開眼即浩渺。謂當飽長鯨。餽口但白小。百尾不滿釜。烹煮等芹藜。咀嚼何所得。鱗鬣空紛擾。向來巨魚戲海面。橫孤嶠。噉鳴噴飛沫。白雨散晴曉。終然不省錄。從事此微眇。短長本相形。南北無定表。泰山不爲多。毫末夫豈少。詞雄兩月讀。理足三語妙。人生一漚發。誰作千歲調。安能蹲會稽。坐待暮年釣。

瘧疾寄示聖俞

體中初微温。末勢如湯鑊。忽然毛髮起。冷撼如振鐸。良久交戰罷。項背如釋縛。尚覺頭泠泠。眉額如鏡鑿。空日一寒暑。有準如契約。伏枕兩晦朔。枵然如空橐。平生十圍腰。病起如飢鶴。衰髮本無幾。脫去如秋籜。到今僅能步。出沒如尺蠖。舊聞五嶺法。有此萬戶瘧。而我自僑寓。了不蒙濶略。况子又持養。何至亦例著。此身自空虛。落疾安所托。請作如是觀。無病亦無藥。

示蚤

先君捐館年。六十疇三算。我今四十三。始得幼子蚤。餘齡繼前躅。蚤也纔及冠。况復未可知。孝章積憂歎。祿養豈不欲。茲事覺已緩。但愛眉目秀。體質淨如鹽。顧瞻既精神。懷抱亦氣岸。今者新剔髮。瑩若珠未貫。見之令人清。面擁疲手腕。輒然攬吾鬢。霜雪落几案。豈惟不肖噴。更對一笑粲。骨肉今已矣。持汝慰奔竄。行當從諸兄。誦書喧里閭。而我

于經術。粗能分句斷。發蒙要師資。心孔爲關鍵。許慎專偏傍。張華休史漢。吾家業儒久。捨此無別段。不應緣一噎。便欲廢炊爨。及親三釜足。未用萬戶勸。人生百年期。我今特未半。

夢泉 并引

潮陽尉鄭太玉夢至泉側。飲之甚甘。明日得之東山上。因作夢泉記示余。命作此詩。

入道宥着相。出神得佳泉。起尋定中境。謾意山之巔。四人
隲說戲。數里聞潺湲。循聲到巉絕。滿意流甘鮮。雖深石可
數。太察魚難筭。分爲縞練去。濺作珠璣圓。一窺宿醒解。三
無沉痾痊。恍惚尚疑夢。歡呼欲成顛。山間知予井。海飲鹹
空。那知道在邇。幾作野遺賢。事故由人與。物爲知已妍。

濠上游詠。攜室中天。雖無十丈花。中有一滴禪。名酒
冠殊勝。宜茶定常煎。蘭亭羽觴冷。魚復青筒連。新文來遠
天。開卷猶潒然。徑欲抱琴去。臨流聽未全。不但受以耳。庶
幾神者先。寫爲夢泉操。第入樂府篇。將前輒復却。萬事付
有緣。

鳴鵲行

簷前羣鵲鳴相呼。法當有客或遠書。吾今何處得書尺。而
况賓客乘軒車。平生眼中抹泥塗。泛愛了不分賢愚。卒爲
所賣罪滿軀。放逐南越烹蟾蜍。百口寄食西南隅。三年莫
知安穩無家書。已自不可必。更望故人雙鯉魚。故人頃來
絕能疎。况復萬嶺千江湖。雞肋曾是安拳餘。至今畏客如
於菟。豈惟避訪謝還往。此日誰宥窺吾廬。杜門却掃也不

惡何但忘客兼忘吾。喧喧鳴鵲汝過矣。曷不往噪權門朱。

採藤曲效王建體

魯人酒薄邯鄲圍。西河渡橋南越悲。歲調紅藤百萬計。此
貢一作無窮時。去年採藤藤已乏。今年採藤藤轉竭。入山
十日脫身歸。新藤出土拳如蕨。淇園取竹况有年。越山採
藤輸不前。今年輸藤指黃犢。明年輸藤波及屋。吾皇養民
如養兒。鑿空爲此謀者誰。

冬雷行

百蟲蟄處安如家。阿香夜起推雷車。一時技癢不忍爬。撼
動尺蠖掀龍蛇。龍蛇尺蠖踞已久。亦欲奮迅舒頑麻。夢中
一震忽驚躍。發破瑾戶排泥沙。泥沙已出雷遽止。錯愕欲
去難藏遮。蟲蛇狼狽莫知數。聞有伏龍吁可嗟。

贈譚微之

去年絃歌程水濱。甌中生塵范史雲。今年講學鵝城裏。關
西孔子楊伯起。昔人論士觀心期。時人論士看肉皮。只知
黃錫矜背爪。不識騶虞避生草。

北歸至廣州寄惠州故人

歸心如躍馬。奮迅不可駐。別情如放猿。已去猶返顧。三年
孺子社。數借柱史書。好在五噫孫。善保千金軀。舊來談天
口。老去盡地力。萬里不相忘。寄聲問眼食。

南遷

去去寬鄉托此蹤。關中無地頓衰翁。未誅綺語猶輕典。更
賜羅浮有底功。蝦菜賤時皆丙穴。茅柴美處卽郛筒。着鞭
要及春前到。趁賦梅花庾嶺東。

鶴林玉露引抱朴子云周
車穆王南征一軍皆化
君子化為猿鶴小人化
為虫沙詩音言君子
或死或與唯小人得志
深畏其含沙射影也

渡河

鶴歸遼海悲人世。猿入巴山叫月明。惟有沙蟲今好在。往來休並水邊行。

武陵道中

朝持漢使節。暮作楚囚奔。路入離騷國。江通欵乃村。垣墻知地濕。草木驗冬溫。寂寞桃源路。行人祗斷魂。

長沙道中

古古今今路。朝朝莫莫行。橘林香處飯。杉木翠邊程。山落湘靈慘。川含楚些清。江湖無限句。遷客要才情。

次泊頭

何處不堪老。浮山傾蓋親。潮田無惡歲。酒國有長春。藥疑靈藥。魚樵或異人。近前端有得。丞相未宜嗔。

初到惠州

盧橘楊梅乃爾甜。宥容遷謫到眉尖。因行採藥非無得。取足看山未害廉。辯謗若為家一喙。著書不直字三緘。老師補處吾何敢。政為宗風不敢謙。

謝人送酒

世情不到海邊村。載酒時來餉子雲。便欲醉中藏潦倒。已將度外置紛紜。細思擾擾膠膠事。政坐奇奇怪怪文。喚取鄰翁傳杓飲。漸令安習故將軍。

水東感懷

往事孤峰在。流年細草頻。但知其室邇。誰識所存神。碑壞詩無敵。堂空德有鄰。吾今稍好黠。終日酒邊身。

登栖禪山

海雨山煙撥不開眼前遮定一作盡望鄉臺如何借得維摩手斷取西南故國來

收景初書并示藥物

乾坤心腹友江海鬢毛班藥補他鄉關書開故去一作國顏何時乘下澤此日仰高山會是歸耕耦由來有賜環

九日懷舍弟

重陽陶令節單闕賈生年秋色蒼梧外衰顏紫菊前登高知地盡引滿覺天旋去歲京城雨茱萸對惠連

收家書

西州消息到南州骨肉無它歲有秋驥子解吟青玉案木蘭堪戰黑山頭即時旅思春冰拆昨夜燈花黍穗抽從此歸田應坐享故山已為理菟裘

瀘人何邦直者為安溪把截將有功不賞反得罪來惠州貧甚吾呼與飲為作此詩

楚人季布以勇顯魯國朱家用俠聞馳馬彎弓臣好武吹毛洗垢吏深文王孫此日誰漂母卿子前時號冠軍滿引一杯齊物論白衣蒼狗任浮雲余在惠州作酒二種其和者名養生主其稍動者名齊物論後禁主字遂志其一

除夕

患難思年改龍鍾惜歲徂關河先壟遠天地小臣孤吾道憑溫酒時情付擁鑪南荒足妖怪此日謾桃符

人日

人日傷心極天時觸目新殘梅詩興晚細草夢魂春桃菜年年俗飛蓬處處身暮頤頰語及髣髴到東津

栖禪暮歸書所見二首

雨在時時黑。春歸處處青。山深失小寺。湖盡得孤亭。
春着湖烟膩。晴搖野水光。草青仍過雨。山紫更斜陽。

白鷺

說與門前白鷺羣。也知從此斷知聞。諸君有意除鉤黨。甲
乙推求恐到君。

有所歎

林中宴坐老沙門。豈願臨年觸垢氛。正恐先生不得飽。欲
今後死與斯文。近逃台鼎居東洛。開道衣冠滿北軍。須信
此塗天一握。人間謾說有孤雲。

耕田佩印雨徒然。憶想平津只去年。怪底功名稱地獄。誰
官府到天仙。是非已付漁樵判。疑信難憑黨與傳。杯酌
能通大道。床頭當得酒如泉。

舍弟書約今秋到此

此日方收信。前時已具舟。開頭今幾月。軟脚定中秋。涼德
為兄忝。炎荒為爾憂。從今西望眼。應到見時休。

夜坐懷舍弟

無雲仍露坐。有月更江臯。沉陸傷吾道。浮生憶爾曹。扁舟
應夏口。此夕數秋毫。不見今三載。當時已二毛。

送外甥之廣州

由也久從我。牢之真有甥。時情為客老。秋色進泉清。撥刺
朝朝味。鈎翰處處聲。越臺休弔古。旅魄向來驚。

九日獨酌

登高無老伴。引滿自高歌。歡意天邊少。重陽野外多。黃花

空歲月白首尚關河。他日龍山與吾今在網羅。

壬辰九月二十三日天氣始寒以詩記之

朝來怪底冷前此已重陽。漸逼袴襦節。稍聞灰火香烟。嵐
向冬淨。橘柚得霜黃。嶺表雖多暑。天時亦有常。

寄潮陽尉鄭太玉

又種羅浮一熟田。江陽未得返耕廛。書來似見眉間印。別
後新增鬢上年。下澤有車人誤矣。上林無報雁徒然。去歲引

次鄭太玉見寄韻

度外歸期未要論。故山石笋自高蹲。他時名譽牛心炙。晚
歲窮空犢鼻褌。君有詩書并畫絕。我無德爵但年尊。音塵
不繼應相悉。萬事而今付默存。

壬辰九月二十三日。至巳年三月。初學法矣。今時。

然喜甚。因作

老去生涯白木鏡。脫逢艱食更何堪。春深野色憂年。至
半簷聲覺雨甘。睡外莫聽泥活活。想中已睹麥含含。朋
竹徑添幽事。玉板堂頭作小參。

舍弟既到有作

武陵倉卒記他時。我獨南翔子北飛。覩過幾多歸後事。相
看仍是別時衣。匪躬老矣惟心在。硬腹依然但髮稀。尚有
苦吟三十載。與君同飽蜀山薇。

收景初貶所寄

信斷常懷信斷憂。得書還有得書愁。未應宿業都相似。總
為謔聲不宥休。見說宵中卷雲夢。莫將皮裏貯陽秋。而翁

有道知興廢。不患無詞詣。播州。

次勾景山見寄韻

此生正坐不知天。豈有豨苓解引年。但覺轉喉都是諱。就令搖尾有誰憐。腰金已付兒曹佩。心印還當我輩傳。他日乘車來問道。葦間相顧共延緣。

夜聞蠶戶叩船作長江。礪欣然樂之。殊覺有起予之興。因念涪上所作招漁父詞非是。更作此詩反之。

示舍弟端孺

當年無奈氣狂何。醉檄涪翁棄短蓑。晚落炎州磨歲月。欲從諸蠶可煙波。與君共作長江礪。况我能為南海歌。身世即今良可見。不應老子尚婆娑。

此風累日不止。寒甚。寄鄭潮陽。

山前臘雪想紛紛。風到南訛盡處村。瓮面不容存酒子。牀頭幾欲爨桐孫。園林呼舞知衰怯。窓戶奔馳覺眩昏。咫尺潮陽五袴國。可能分我一襦温。

即事

歸心急似瀧頭水。華髮多于嶺上梅。正是堯朝猶落此。當時湘浦亦宜哉。還家久近書難寫。破屋陰晴榻屢移。吾道非邪來曠野。人生樂爾復何時。案頭行掃塵隨起。窓眼纔封雨又稍。更力窮空沽白餅。莫將疲繭鬪黃茅。

遣興

僧寺借經便大字。鄰墻喚酒及新篘。三年于此得其理。

飽已還非所求

酒經自得非多學。詩律傷嚴近寡恩。田里歌呼無籍在。朝廷議論有司存。

春日謫居書事

四十緇成素。清明綠勝紅。形容千慮後。門館一貧中。白日時時別。青蕪處處同。此生唇舌裏。啼鳥莫春風。

大觀四年春。吾與友人任景初舍弟端孺自蜀來京。師至長安時。方寒食。吾三人相與戎服遊九龍池。飲酒賦詩。樂甚是。歲吾遷嶺。表明年景初亦謫江左。忽忽數歲。皆未得去。寒食無幾。念之悽然。作詩

寄任因命舍弟同賦

居今行古任定祖。底事遷延亦未歸。我坐力田傷地味。

一生九幾化。不因到此始知非。

乙未正月丁丑。與舍弟棹小舟窮西溪。至愁絕處。度不可進。乃歸溪側。有兩榕甚奇。清陰可庇數十榻。水東老人常飲酒。其下云。

楊梅溪上柳初黃。荆竹岡頭日正長。獨木小舟輕似紙。一尊促席穩于床。樹從坡去無人識。水出山來帶藥香。應看居民解秦語。為言昭代好還鄉。

有感示舍弟端孺

一出潼關五見梅。愚忠幾欲碎黃埃。弟兄手足窮孤竹。母子肝腸泣老萊。好語忽從天上落。行人直向海邊回。此生報國無他事。力穡供輸莫待催。

長沙竹筍聞于天下大者可十餘斤食之甚甘而不
水脾昔渡湘欲作詩未暇也今日復過之乃酬以
此篇
地入長沙莫歎卑竹萌徑尺舊相知九重纔復金門籍萬
里先參玉版師契濶累年真負口徘徊彌月未妨脾渭川
風味那能對中有離騷九辯辭

雜詩

屏跡舍入巷灌園居士橋花開不旋踵草薶復齊腰蛤契
明朝雨雞鳴聞夜潮未能全獨樂鄰里去還邀
已絕經年筆仍開盡日門身謀嗟翠羽人事嘆榕根蔬食
風掀市樓居水破村嶺南霜日薄何得鬢邊繁
便歸良不惡未去且隨緣戶口知無瘴謳歌覺有年藤機

得句後桂酒抱愁邊經術吾衰矣猶堪舉力田
不死良難學全生或可幾茶隨東客到藥附廣船歸茶倦
收成敗書慵卷是非關心無雜慮魂夢入精微
兀坐且如此出門安所之手香柑熟後髮脫草枯時精力
看書覺情懷舉盞知炎州無過雁二子在天涯
飽食爲茶地深耕覓酒材翻泥逢暗笋汲井得飛梅湖盡
船頭轉山窮屐齒回田間良自苦清興亦悠哉
壯歲日千里晚途天一方花縵聊傲世白袷亦隨鄉團扇
侵時令方書遣書長此間吾所樂便擬卜林塘

雜興

白日消諸妄青山對屢空著書防惡客學圃問鄰翁織屨
流肌滑檳榔入頰紅丹砂落吾手秋至任飄蓬

多事定何補。寡言聊自溫。蟹黃嗔止酒。雞白勸加餐。濯足樓船岸。高歌抱朴村。愧無魑可禦。只益負君恩。

開窄良難入。閒寬足見容。竹根收白疊。謂竹布木杪得黃封。

謂柳問學兼儒釋。交遊半士農。行歌村落晚。落日滿攜筇。

為農沙子步。附保水西鄉。隱几江天遠。開門佛土香。時情

荒徑草。塋色淡。一作淨漁梁欲縱高秋目。東偏短作墻。

舊物杯中酒。新街海上翁。百非無一是。顯過豈微功。引水

江分碧。烹丹井為紅。幽居亦多事。度日不全空。

小市江分破。連萍水卷翻。到今佛跡在。千古鶴峰尊。淨

來何處。豐湖入數村。登臨有何好。秋至數消魂。

已分詩驅使。寧辭酒過差。南烹入釣蛤。北信客占鴉。

後膏理。憂端宿肺家。向來功業興。到晚詠餘囊。

空然等。寒暄乃爾。云曾前歲有。地過此邦無。黃鸝

覩。動意山虎豹。呼南豈何所得。詩語帶陳隅。

語不覺久。晨興良獨難。加之得卯酒。晚矣恰朝食。笋蕨

生箸魚蝦海入盤。南方禁太飽。茗椀直須寬。

氣東南上。野煙申酉間。草平連別洞。雨轉入他山。道路

鹽去樵蘇竹木還。西江并北客。相對各蒼顏。

不過魚村濕。沙寬牧地平。片雲明外暗。斜日雨邊晴。山轉

秋光曲。川長暝色橫。瘴鄉人自樂。耕釣各浮生。

迹蒼梧外。放懷黃木東。人情雙鬢雪。天色屢頭風。國計

非宵切。家書隔歲通。為儒得愁思。一笑賴兒童。

里非吾土。三年失我常。只愁鸞跼跼。敢作鶴昂昂。白竹

連閩越。黃雲入夜郎。何時返栖息。誰為問桃娘。

閒居

未許幽人曉夢長。朝朝親炷佛前香。有詩爲愛袁家酒。無病緣抄陸氏方。身雜蠶中誰是我。食除碗外總隨鄉。白沙翠竹門前路。疑出西郊向草堂。細細敲門細細應。老翁方曲晝眠肱。魚陂舊種千頭鱸。桑徑新窠十畝繒。菜足尚堪分地主。米餘翻欲供鄰僧。平生雅有乘桴興。咫尺滄溟去未能。

聞勾景山補盤屋丞。仍聞學道有得以詩調之。發萬里一笑。

人言盤屋似江湖。莫對丞哉歎負余。別後耳根無正始。向來紙尾得黃初。可憐鬼谷縱橫口。今讀神溪縹緲書。臣朔許長錢許少。何當天子念公車。

遣興

八千岐路愁何補。四十光陰老亦宜。此去只堪犀首飲。向來都是虎頭痴。逢時有道其如命。得意無言所恨遲。詩債卽今渾倚闌。新篇惟有莫相疑。

春歸

東風定何物。所至輒蒼然。小市花間合。孤城柳外圓。禽聲犯寒食。江色帶新年。無計駐愁得。還推到酒邊。

鄭太玉送子魚

便當權閣太常齋。藥竈于傍手自煨。須信子魚藏妙理。坐令母蟹媿凡才。刀頭定向何時得。劍脊頻將好意來。老法少陵雖病肺。尚堪持此薦寒醅。

江漲

秋來雨似澆。雨罷水如潮。市改依高岸。津喧救斷橋。雲陰
哭鳩婦。池溢走魚苗。天意良難測。前時旱欲焦。

代書寄鄭二

後定何似。此中難具陳。倦憎秋氣濕。老怯曉烟辛。沸議
今方爾。歸期覺愈伸。須頰三絕手。時復餉清新。

夜久睡覺不復能寐凄然有感

復更殘暑。夜淡清欲飢。葉飛魂夢數。露重語音知。月色
秋苦更聲臨曉遲。平生憎墨翟。老去亦悲絲。

立冬後作

入佳境。冬來幽興長。瘴鄉得好語。昨夜有飛霜。離下
在醅中小。至香西鄰篋。向熟時致一梳黃。

爲蘇米龍用得題端數十所以歸符詩詞

倒拔孤舟入瘴煙。歸來百斛瀉豐年。炊香未數神江白。
釀滑偏宜佛跡泉。飽去定知頻夢與。醉中何至便妨禪。憑
君爲比長安米。看直公車牘幾千。

謾成

雲暗便窓破。山寒賴屋低。往還天外少。早晏雨中迷。書冊
開仍闔。履聲東復西。何常有所賦。得句旋安題。

聞鄭二對吏五羊

舊友年來略散亡。新收鄭子亦遑遑。歲云暮矣無雙雁。我
所息兮在五羊。獄吏事權先自貴。書生蹤跡况能狂。風流
人物今餘幾。何忍羣兒復謗傷。

東麓

經旬不見小羗廬。忽爾相逢喜欲呼。自入秋來更韶潤。却

從瘦裏帶敷腴。人間信有傷心碧。坐上那無滿眼沾。可是
清暉解娛客。能令腸斷到愚儒。

野望

賴有澄江在。專供倚杖清。水裁偏岸直。雲截亂山平。鞦韆
知農隙。雞豚覺歲成。却緣搖落後。木杪得孤城。

獨遊

是日遊予獨。幽情知者誰。時光新舊歲。節物淺深枝。鴛鴦
春祠敏。鸞鏡野燒痴。田園有妙理。吾悔得之遲。

醉眠

山靜似太古。日長如小年。餘花猶可醉。好鳥不妨眠。門常掩
時光。簞已便。夢中頻得句。拈筆又忘筌。

重陽後二日。無盡泛舟游處。士臺故詩。

所居

阜河經雨水。微沙船帖臺。根日未斜。三徑就荒。悲白土一
樽相屬。對黃花。已將遠眺。收平楚。更遣清言。到永嘉。要見
仙翁頭似漆。請看醉後落烏紗。

生還至宜都逢李六

更把餘年着酒澆。莫談前事費燈挑。地緣有語封還止。印
爲無功鑄復銷。賴是詩書能却瘴。到今魂夢亦聞潮。頭西
歸去君休怪。尾段無多不奈焦。

將赴闕有感示聘

老畏高門地。慵便下澤車。終然嬰世網。難作愛吾盧。白首
趨行在。青袍奉起居。平生誇好手。到此不如疏。

次韻幼安留別

白頭重踏軟紅塵。獨立鵷行覺異倫。往事已空誰故舊。好
詩乍見且嘗新。細思寂寂門羅雀。猶勝鬢鬢塚卧麟。力請
宮祠如意否。漸謀歸老錦江墳。

鴻慶集鈔

卅九

孫覲字仲益。嘗提舉鴻慶宮。故自號鴻慶居士。五歲時
卽爲東坡所器。第政和間進士。靖康俶擾。爲執法。爲詞
臣。旋由瑣闥。歷吏戶長貳。連守大邦。紹興而後。遭值口
語。斥居象郡。久之歸隱太湖。二十餘年。孝宗朝。命編類
蔡京王黼等事實。上之史官。年九十餘卒。由其居閑久
故。問學深誠。有宋之作家也。獨以其誌。万侯高之墓。嘉
靖間。常州欲刻鴻慶集。邑人徐問曰。覲有罪名。教其集
不當行世。遂止。嗚呼。斯言固秋霜也。今不廢其詩者。以
見有詩如此。而不得列於作者。欲立言者。知所自重耳。

湖州天寧寺飲王生二首

莫鬪蝸兩角。且共貉一丘。夷踞坐我旁。汝豈河南騶。割肉

一畝之徐以大白浮。噲。噲。君勿譙。笑談起封侯。
諸家迹便掃。得此一老兵。在東醉司馬。酒中尚求名。哀哉
南山箕。不平自號鳴。慎勿歌烏烏。作此老婢聲。

富陽道中二首

渺渺行雲幔。溶溶曳水衣。雷翻巢墮乳。風落網粘飛。獨拄
青藜杖。來推白板扉。平生丘壑趣。漂泊寸心違。
白帽炎州客。青裙酒姥家。微風搖扇浪。細雨落簷花。客舍
休占鵬。蠻村欲饌蛇。會令醒復醉。高枕送生涯。

蘭溪津亭病起

風波湧地千漚發。創痛鑽皮百箭攻。藥裹關心防二豎。謗
書盈篋忤三蟲。剖瓜女隸方祈巧。結柳奴星也送窮。笑我
平生持螯手。未應咄咄左書空。

三衢聞都督兵潰常潤間懷舍弟而下

紫荊有信欲開花。黃犬無情不到家。偶坐厭聞鳥嘍嘍。杯
行喜聽鵲查查。同看明月人千里。相望孤雲海一涯。驥子
熊兒無恙否。風雲慘澹鬪龍蛇。

疎山寺次白文林韻二首

藜杖怱怱集晚林。長廊破壁撼鐘音。天涯流落相逢地。杯
酒殷勤莫厭深。萬里功名飛燕領。千金博飲剝牛心。更聞
好句驚人倒。一洗蠻煙瘴露侵。

黃花翠竹小叢林。卧聽南山白石音。蠅鬪已空遺堊在。蝸
跡終戀故廬深。掀髯一笑追前謬。禮足同參看此心。且向
疎山結香火。人生莫受二毛侵。

明水寺五代末危全諷據臨川時所建畫像至今存

焉寺旁最高峰。有祠屋一區。道士居之。
臺殿何年有。千巖紫翠間。金僊佛世界。羽客道家山。骨朽
餘三窟。皮存尚一班。傷心千古淚。相伴雨潸潸。

崇仁縣

萬山攢擁天一笠。北風吹雨兩鬢濕。飢鳥絕叫護巢飛。老
蛟怒起挈雲立。孤城短日砧杵急。騎驢渺渺衝泥入。桑枝
倒折機杼空。道傍廢井無人汲。遺民到今傳舊邑。擊水華
鯨浪三級。故物漂流首戰餘。客子起坐萬感集。小驛香醪
如雪汁。一杯快作長虹吸。酒醒寂歷照短檠。幽咽數聲鄰
婦泣。縣人喜蕪渡亂後如故

遣興

亂後煎百慮。老去無一欣。故人尺書至。好語中夜聞。坐久
百蟲絕。開簾月紛紛。長歌侑一醉。酒醒擊空尊。

山行憇田舍老父出迎以黃甘白酒爲餉

藜杖扶來雪滿簪。諄諄語好意深深。酒傾白墮杯行玉橘
破黃苞。坐飮金。醉起莫辭田父肘。甘餘須識野人心。匆匆
不盡板留意。挽袖丁寧更一臨。

兩日復往次前韻

寒蕪離離銀線亂。臨川出蕪號銀條凍醴灑灑玉井深。坐蔭庭松
翹翠蓋。行穿野菊布黃金。犬迎客入喜見尾。鵲隨人語欣
會心。俗裏淹留怕轆釜。驅兒招喚得重臨。

明水達老以黃甘荔子土芋爲餉小詩答謝

客居莽牢落。幽絕無四鄰。歲窮有衣結。日晏猶甌塵。偈仄
戎馬間。敢厭薪水勤。故人情義重。采采青泥芹。小摘持寄

遠分餘爲情親。丹荔擘輕圓。黃甘破芳辛。蹲鴟勸加餐。風味亦可人。渺渺山澗曲。浩浩水雲晨。踞爐有前諾。兩翁對然薪。眼纈眩紅綠。共此無邊春。

次韻王子欽立春

歲晚驚呼身已老。天涯流落首空回。便將酒力推愁去。且放春光入眼來。人語嘻嘻爭鬪草。宮花閃閃豔粧梅。雪消水暖春江動。綠漲蒲萄萬斛醅。

遊東塔雨中夜歸

山色凌寒春尚瘦。潭影涵空清可漱。漠漠雲行紫翠間。斑斑雨濕黃昏後。火炬穿林鳥出巢。人語闐門狗窺竇。杖藜有興會重來。更待黃鸝唳晴晝。

清明日與范李實諸人過胥澤民別墅小集

水滿雙飛白鷺。花深百轉黃鸝。寒食清明過了一川煙草離離。

兀兀三杯卯困昏昏一枕春融酒醒落花風裏夢回啼鳥聲中。

曹山絕句

毀瓦區區爲食謀。半生炊黍在刀頭。一屢會入扶犁手。不上陳登百尺樓。

題妙覺寺壁

葉底紅稀不見花。枝頭綠暗可藏鴉。春歸古殿蒼苔滿一點籠燈隱絳紗。

再至

老眼逢春病有花。淋漓醉墨字如鴉。懸知不是唐王播。慙

愧高僧護碧紗

宿妙覺竹菴贈靜老

青山暎落日澹澹煙中明出門無所投曳杖隨意行破滅
僧兩三喜笑爭邀迎曾巢俯修行飛星動高躄老人如宿
昔真契同三生遇人無戚疎出語惡不情寥寥風馬牛肝
膽欲盡傾怪我胸中山硤兀尚不平邯鄲樂無度短夢一
餉榮鬢觸怒不休暴骨千里橫微言起我病內愧面汗驛
蚤知天宇大豈有世網嬰舉扇障西風浣此滄浪纓

別如老

同舟無胡越四海皆弟兄吾人雖晚接一笑蓋已傾世亂
識真態塗窮見真情曳杖扣禪扃撞鐘聽鞞鳴小窓風雨
夜對此二榻橫吾身如木偶春至不復榮豈無三宿戀天
雨方流行去去得首丘歸田元踐更

徙寓妙覺佛舍胥又民被相過賦夜坐

客居厭窮獨蓬艾翳環堵莊曰尚越吟鍾儀猶楚語吾人
有奇操空洞見城府相逢逆旅中霧豹初一睹拘囹賦囚
山避謫憎市虎褰裳肯過我崖嶠走風雨微吟對清夜破
此五月暑隆露浥金莖空花墮犀塵孤燈映籠紗冷豔翳
復吐耿耿遂不眠逢逢聽晨鼓

次韻王子欽

二年客塵土獨夜憂悄悄遇酒一破顏歌呼醉連曉寸心
為誰明伴此孤月皎枯柵鬱崢嶸老幹空自表蟻穿萬孔
萃蛛挂千絲擾白鴿逝不來豈敢更擇身

熊夫人遣介欲壻澤民小詩戲之

墻頭鄰女三年望。戶外文君一笑羞。欲得賢夫嫁張耳。此真佳婿是義之。定知不折飛梭齒。說先齊舉案眉。不信侯門深似海。水流紅葉謾題詩。

靜老通幽軒

諸峰倚崔嵬。衆壑隱奔峭。寓目欣有擊。會心領其要。開廬結茆竹。代翳斬蓬藋。此君亦可人。玉立盡娟妙。風酣翠相倚。月吐清自照。窈眇非世音。鸞鶴中夜嘯。煙塵闔北關。烽火被南徼。便欲老三閭。終焉隱屠釣。

秋夜二首

山寒藹暝姿。楓老帶漲痕。蘭摧桂亦折。往往歸其根。萬籟各收聲。一氣中自存。鼻斤無可。尻駕不復犇。孤光照獨夜。月落低金盆。

寥寥犬吠村。微月耿黃昏。練豚市井空。虎豹窟宅尊。元龍百尺樓。獨帥誰與論。酒聖口復中。愁魔自驚奔。彈鋏歸去來。稚子候柴門。

自崇仁趨新淦。凡四夕。猶至一寓道觀。三止僧舍。皆留一夕而去。賦小詩記之。

妓原寺

稚子磨門立。老僧迎客入。湛湛玉斲寒。唧唧銅銚泣。小軒風雨過。窓戶青紅濕。晚花發秋妍。黃蜂正衙集。

化度寺

失路迷千嶂。投休借一枝。扣門竹西寺。立馬日斜時。矍鑠僧窺戶。睢盱犬透籬。定知嫌不速。明日與君辭。栖霞觀觀在麻嶺之下。

雲表朝飛屐。松殘晚駐鞍。破扉聯白板。稿項繫黃冠。徑雨
喧風籟。汀沙立露翰。小窓床坐好。對此百憂寬。

三山寺二首

斜日半窓明。無人獨掩扃。風鈴時自語。雪柏老終青。立鵲
參差見。微泉斷續聽。老僧渾不語。危坐卷殘經。
異縣久爲客。窮途飽所更。對床雲伴宿。曳杖月同行。到處
身如寄。看山眼暫明。平生飲中趣。酒賤且頻傾。

再和何襲明

沙平雪漫水涵空。路入千巖紫翠中。村遠微明漁舍火。樓
高斜矗酒旗風。可憐方外狂司馬。來伴田中一秃翁。南北
相望三十載。心期不改斷金同。

何嘉會寺丞嫁遣侍兒襲明有詩次韻

魯陽之戈倚半空。誰能一卻日再中。驚回十二巫山雨。水
隔三千弱水風。瘦語尚傳黃絹婦。嘉會侍兒以妙爲名多情好在紫
髯翁。謫仙尚有杯中月。獨舞婆娑醉影同。

迎薰堂小集襲明用前韻再和

飲痛瓊艘百柁空。參橫斗挂月當中。不愁馬上衣沾露。且
看樽前幘墮風。未辦清歌娛醉客。莫將強韻壓衰翁。悲飲
冷淡君應笑。注瓦傾銀一體同。

長樂寺

嘉會常置酒餞歌姬於此

萬瓦冠松壁。千嶂鎖雲莊。故人置酒地。清夜燈燭張。破壁
挂月闕。遺笙嘯風廊。妖歌傾四座。醉卧錦瑟傍。寂寂花絮
亂。怒怒鸞燕忙。雍門已陳迹。餘音空繞梁。我來久徘徊。驚
呼首一昂。老僧獨依然。坐對柏子香。

志新遣兩介致書餽以巴源紙黃甘珠攪大栗鵝鮓
胎蝦爲餉戲作長句

巴江新擣萬穀皮。褚生粉面膚凝脂。故人千里特寄我。落
筆宛宛天投霓。綈囊丹果十襲包。爆栗飛燼石火敲。紅鹽
著樹落青子。香霧噴手披黃苞。蒼鵝無罪見菹醢。苦酒濯
之光五采。蝦蚶久已成枯腊。只尺波濤渺江海。客舍爭席
紛滿前。饋羹不復五漿先。殷勤重餉有吾子。兩夫荷檐頽
其肩。

蜀婦新寡從何純中讀左氏戲呈純中

麟經束高閣。掩卷有三嘆。朱絃久零落。鸞膠續其斷。英英
左阿君。獨唱音節緩。故是我輩人。吹簫得幽伴。先生擁絳
紗。弟子褰素幔。一揮斲鼻斤。便舉齊眉案。

宜黃尉李集義遣書問安否小詩爲謝

三年著南冠。兩見芳歲新。朝爲蟲蛇侶。暮與魑魅鄰。行隨
木上坐。卧對竹夫人。獨有金石交。不廢風雨晨。書來一弔
屈。我已屢厄陳。噴噴爨下桐。嗷嗷轍中鱗。緼以米絲繩。放
之碧海津。窮途得重惠。肝膽大輪囷。

題硤江蕭氏菴二首

雪屋清如洗。雲崖翠作堆。破扉風自掩。敗壁雨先頽。野色
初還柳。林香尚有梅。滄江千萬頃。一鳥鏡中回。
雲逐歸心亂。山隨望眼賒。疎林歛晚照。淺溜咽春沙。客路
三年過。僧窓一笑譁。此生羨覩駕。有地卽爲家。

宿善法寺再賦二首

水繞禪窗淨。香凝古殿深。讀書不求解。酌古聊自斟。塔鈴

已無語。匣琴猶有心。獨誦西閣夜。風滿快哉襟。

愛竹門可款。命車壑初尋。鳥啼春院靜。人語夜堂深。鼠迹

留僧鉢。蝸涎泥佛金。鄰翁笑相命。春酌夜沉沉。田雲朔從政置酒

再過天長寺

山立起平案。松偃卧枕岡。尚憐桃靨小。已見麥頭昂。檢事

關兵氣。逃禪入醉鄉。平生湖海興。一棹付慈航。

分宜道中

老牯挽犁泥沒膝。剡剡青秧鉞水出。六麥登場小麥黃。桑

柘葉大蠶滿筐。猿鳥初呼聚儔侶。纒絲百箔聞好語。此時

物色不可孤。勸君沽酒提壺蘆。

礪巖寺

千松夾道直。一水抱村流。清絕小叢林。繞舍竹修修。老僧

慣見客。壞衲雪滿頭。野果折奇苞。畦蔬翦新柔。漂零五管

去。邂逅一笑留。詩成寫君壁。記此夢中遊。

靈泉寺

窓戶遙開紫翠間。小橋獨立聽潺潺。意諧獨有清風共。興

盡聊隨落照還。但見虛童蒙白帽。且無龍吏發駢顏。風花

雨葉元無定。何必區區戀故山。嶺外虛市市人大半以白帽蒙首

七星巖

十載汗修門。簪橐侍帝垣。五雲深莫窺。衆星拱以繁。一坐

牘背書。身落海上村。山川發餘想。鍾鼓眩昔聞。星圖煥斗

極。兩兩錯地文。今日復何日。乘槎造天關。日月起可挾。參

井立能捫。誰當揭其柄。為我酌瀛尊。

龍隱巖

跳波觸石喧。古木抱崖擁。老蛟厭泥蟠。一笑作潭洞。孤峰起嶒嶸。哀壑浩呼洶。腥風噤蛙淫。凍雨落毛毳。凜凜白晝寒。瘴髮立盡聳。早氣曛日黃。縮爪但陰拱。悠然四大海。斂此一毛孔。安得化為霧。蕙葉有光籠。時禱雨未應

西山超然亭

厖區翳榛莽。地瘴藏百怪。西山何軒軒。拔脚風塵外。中縈一線蟠。側立兩壁對。秀連九疑高。遠控三湘大。孤亭坐林杪。俯見飛鳥背。號方泣二女。禦魃竄四罪。誰去窘囚拘。故自脫天械。飄飄逸凌雲。萬里風雨會。

飲脩仁茶

煙雲吐長崖。風雨暗古縣。竹與頰兩肩。弛擔息微倦。茗飲初一嘗。老父有芹獻。幽姿絕媚嫵。著齒得瞑眩。昏昏嗜睡

翁喚起風洒面。亦有不平心。盡從毛孔散。

事見盧仝茶詩

九日次獻花鋪

李衛公貶海外。道過象江。蘇女獻花於此。

古路三叉口。青裙兩髻丫。更無陶令菊。空想衛公花。破屋堆黃葉。清紅繚白沙。殷勤邀一醉。蠶酒壓梨楂。

到象州寓行衙太守陳容德攜酒見過

釘坐黃甘喫手香。堆盤丹荔照人光。莫辭蠶酒一尊赤。會墜瘴茅千里黃。未省讒言遭薏苡。直將空腹傲檳榔。酒醒夢覺知何處。樹影參差月滿廊。

南山寺

千丈雲根蔭此邦。沉沉寒影卧秋江。潭空映日蒼虬動。煙暖翹沙白鷺雙。夢覺灘聲喧客枕。吟餘竹色滿僧窓。詩成絕叫曾樓上。聽我洪鐘萬石撞。

安心是藥本非禪。遇勝欣隨意所便。嚼蕊拈花身老矣。穿
雲涉水息茫然。行逢酒伴操觚去。倦憇僧窓借榻眠。寄語
排言問津者。人中今是地行仙。

別象州陳守容德

三年客殊方。榮悴不堪說。迢迢家萬里。奄奄命一髮。使君
古丈夫。興哀在縲紲。平生風馬牛。舊職比鷄鶩。欣然一笑
粲。破此百憂結。皇恩下天扉。淚泣孤臣血。行厨洗玉盤。載
酒助歡悅。庖珍問五鱗。餅字炊十裂。徒突今未黔。班草尺
一訣。何須更秉燭。端是夢中別。

雉山寺青羅閣

蠻村避謫三年過。野寺尋僧半日閑。小檻吹香花漠漠。斷
崖漱碧水潺潺。桄榔葉底秋聲滿。柏子煙中午夢還。便擬
買舟隨釣叟。一蓑煙雨繫滄灣。

蒙亭二首

小築三間足。雄包萬象并。遙波通極浦。落日抱孤城。小語
千巖應。長歌百壑驚。坐看衣屨上。漠漠晚雲生。
落拓詩酒伴。踈慵粥飯僧。盪胸開遠抱。拄頰見高稜。鳥倦
猶聞語。蛟寒正可罾。一區如可卜。吾不愧陳登。

發桂林劉帥立道同諸司出餞於甘棠渡口二首

行盡海北天。笑指湘南路。使君載酒醪。擁節東城駐。前驅
千纛直。縱獵萬人呼。塵流翳白日。十里映黃霧。何人搆迎
我。一葦橫江渡。渺渺倦鴉翻。相隨歸薄暮。

淘淘號萬竅。颶風吹海渾。冥冥蔽一天。瘴雲埋日昏。南荒
底日所。黃葦三家村。誰云花解笑。但有鳥能言。繆恩解南

冠歸路首北轅。酒行可以起稚子候柴門。

北歸過永。永守趙君宰置酒萬石亭。

三湘陌上逐臣歸。萬石亭中送客時。拄杖披榛行莽蒼。汲泉磨蘚看魁奇。天傾五色遺媧補。谷變千年出峴碑。何似蹊邊小桃李。向人膏面出風姿。

宜春臺呈太守陳次明

聞說宜春好。曾臺試一登。隴泉悲瑟瑟。松雪見層層。孤絕煙中寺。微茫樹下僧。詩工傳寫妙。不數畫師能。

再過曹山示如老

不美鵬南運。聊隨雁北還。捫天上何嶺。犯雪過曹山。偶列萬里去。重來一夢間。觀河見如舊。雙鬢自爛斑。曹山在何嶺之下

送智海上人二首

大師興趣在江湖。拄杖扶行穩當車。苦要詩翁淡生活。穿雲涉水到西徐。

折鼎支磚日半欹。拾薪乞米為朝飢。昏昏一點炊煙裏。見我邯鄲夢覺時。

馬跡上冢遇大風雨書僧壁二首

松竹騷騷繞舍鳴。沙頭一夜雨連明。衝泥裹飯洗新冢。野哭干霄共一聲。

白帽排肩上冢歸。飢鳥攫肉紙錢飛。東家已改清明火。一點炊烟上翠微。

讀沈德潤詩卷

時沈寓金沙寺

繫馬門前柳。投鞭息吾駕。青林合扶疎。木杪抗風榭。沈郎天骨清。衆垓立嵩華。閉閣臥讀書。一榻過僧夏。尤工五字

律句法窺鮑謝無窮真矣。輟有味乃食蔗我老復何爲。齒
髮日夜化寅綠。葦間見拊髀起一吃。懸知擲地響自欲補
天罅。坐令長安紙頓起千金價。

望道場山塔

碧玉旋螺插暮煙。遙看桂子落僧前。試尋白水田頭路。一
葦橫江浪接天。

蕭寺知名四十年。身投籠檻到無緣。行人指點松間路。正
在孤雲落照邊。

橫山堂

波間指點見青紅。雪脊嶒稜倚半空。幻出生綃三萬幅。游
人渾在畫圖中。

蒼雲十畝蔭平寬。露葉風枝繞舍寒。莫遣先生賦歸去。且

令小吏報平安

題谷隱

碧瘦峩千疊。清深漲一篙。紅輕花似肉。綠細柳如縲。句好
無強對。神超有獨遨。葦間青蒻笠。髣髴見秦逃。

送徑山僧

桑棗翳一丘。風雨鳴四壁。晨門響丁丁。一笑喜折屐。懼仙
詩作瘦。句有徑山色。哀彈發朱弦。妙寄追白石。虛名子過
聽。愧卧不能夕。歸袖挽莫留。凌空看飛錫。

華亭朱師實中大燕超堂

海禺納萬艘。市區沸百賈。黃塵翳白日。千騎騰一鼓。蚊集
十字路。四顧盡曠土。蝸角兩大國。一怒有標杵。角名眩多
盧。聚訟攻衆楚。昏氣自成霧。濯濯汗浹雨。朱公誤涉世。吏

隱寄圭組俗緣墮人境。心大接天宇。攀芳採蓮舟。擷秀藝
藥圃。山寒石稜紫。樹老松鬣古。風牽碧羅卷。雨墜翠纛舞。
寧須鳥催酤。自有花解語。觀魚樂洋洋。夢蝶飛栩栩。坐令
游俠窟。化作仙佛土。高卧水國秋。靜憇月庭午。不假壺公
龍。天上有官府。

洞庭善慶堂置酒小詩寄之

幽絕小蓬壺。參差見畫圖。亂青山四出。一碧水平鋪。洲蘂
紅相照。沙茸細欲無。蓮房駢百子。橘圃聚千奴。布穀休催
種。提壺且勸酤。楚腰飛燕燕。秦缶和烏烏。便旋驚回雪。連
娟引貫珠。西風催畫鷁。落日詠驪駒。浩蕩川原隔。驚呼歲
月徂。寥寥清夜夢。直提控搏扶。

興化朱公大卿沒於庚申歲既除喪矣其子彥實過

余於晉陵留十日而別賦小詩以餞之

柴扉忽枉故人車。躡履歡迎一笑初。夢裏覆蕉疑有鹿。食
前彈鋏嘆無魚。忽忽注瓦甕村釀。草草供盤折野蔬。他日
死生君一訪。上林鴻雁有書無。

多寶院

穿雲訪幽伴。倚枝蒼崖根。冥冥篁竹中。古寺松爲門。野僧
營一飽。乞食山下村。擁鼻且獨語。未覺釣石溫。世事風雨
過。歲陰波浪奔。飄然得遠遊。寄此五石尊。

甘陂莊院

張公卧江海。戢羽如鵬蹲。平生廊廟具。投老三家村。一壺
身所寄。萬里心自存。買花紅間坐。種竹青滿門。似聞橘生
奴。漸見桐有孫。提壺時見招。一笑空壘尊。

寄題莫謙仲山居

魚鹽市井雷。冠蓋車馬路。生息自相吹。晨門默如霧。超然塵外躅。崑兀見砥柱。湯湯海橫流。自有安立處。幻泡水上漚。空華草頭露。一峰獨蒼然。歲寒但如故。醉褰庭下花。吟繞池邊樹。便有山中懼。來隨白雲履。

過慧山方丈。俾老酌泉試茶。賦兩詩遺之。

蕭蕭呵蘭若。桑苧有故家。佛屋倚高寒。僧蹊抱欹斜。殷勤泉上客。流落瘴海涯。蟹酒墜梨楂。蠻烹啗鼃蛇。光際鏡一奩。照影空自嗟。老僧薦茗粥。芳鮮疑露華。驅除鼻中雷。掃盡眼界花。飄飄思凌雲。攝身上蒼霞。

過楓橋寺。示遷老三首。

白首重來一夢中。青山不改舊時容。鳥啼月落橋邊寺。欹

枕猶聞半夜鐘。

三年瘴海卧炎霄。夢隔青楓一水遙。萬里歸來悲故物。銅駝埋沒草齊腰。

翠木蒼藤一兩家。門依古柳抱谿斜。古城流水參差是。不見玄都舊日花。

吳門道中

數間茅屋水邊村。楊柳依依綠映門。渡口喚船人獨立。一蓑煙雨濕黃昏。

一點炊煙竹裏村。人家深閉雨中門。數聲好鳥不知處。千丈藤蘿古木昏。

菴畫然行四首

老牯浮鼻水中歸。綠雉應媒桑下飛。蘿葛冥冥山四起。數

家雞犬煙樹裏。一支新綠漲晴溝。楊柳中間擊小舟。菴畫
谿頭鳥鳥樂。呼風喚雨不能休。

蝶趁花飛爭入坐。倚空百尺游絲墮。亂山銜日半船明。斷
雲載雨前村過。蕨芽戴土小兒拳。漁市人歸柳貫鮮。菴畫
谿頭人語好。烹魚煮蕨餉春田。

沙頭綠暗已藏鴉。竹裏猶殘一兩花。蝸廬抱柳開新國。燕
語窺簾憶舊家。春風有信自年年。罨畫谿邊柳繫船。陶情
滿滿酒如泉。醉與長鉶藉草眠。

翠木蒼藤綠白沙。槿籬茅店野人家。了無狡兔營三窟。只
有黃蜂趁兩衙。樹頭獵獵酒旗風。菴畫谿邊賣酒翁。銀鉶
快瀉清若空。令君一笑面生紅。

龜潭二首

稚竹緣崖瘦。蒼藤翳樹昏。野花渾少態。谷鳥自忘言。獨曳
煙中策。來傾月下尊。樂哉無與共。幽興在桑門。

題董令升待制明谿

先生谿上宅。華榜有殊稱。已爲山作主。更與谿爲朋。高甍
俯流水。坐見南山稜。濯髮雲破碎。前衣雪崩騰。老蟾駕月
來。激豔一鏡升。舉櫂擊空明。玉壺響春水。夜久羣動息。一
壟清風興。手持脩月斧。自控赤鯉乘。

李茂嘉寄茶

蠻珍分到謫仙家。斷壁殘璋裹絳紗。擬把金釵候湯眼。不
將白玉伴脂麻。

春事

茆棟依林出。松扉傍水斜。浮蒼圍百疊。亂綠翳三叉。屋破
蝸書壁。庭蕪鶴印沙。小桃供一笑。已著兩三花。
黃鸝遺好音。碧草繁別恨。雨擢翠千尋。風斂紅一寸。持醪
散百憂。琢句破孤悶。呼童數擊鮮。無久諸郎潤。

游金沙寺寺有陸希聲侍郎讀書堂在頤山上

一龕明滅佛前燈。破衲猶殘一兩僧。說似鴻盤讀書處。試
尋幽伴挂烏藤。
綠筴遺苞半出籬。清谿一曲翠相迷。古苔稱意壞墻滿。好
鳥盡情深樹啼。

歲暮郊行

殘雪溶溶水波凍。山空翠濕衣巾重。東家西家酒初熟。南
枝北枝春欲動。班坐偶隨鷗鷺集。意行適與牛羊共。直將
萬事付狙公。莫浪歡喜踏破齏。

懼菴浮天閣

黃蘆吹雪滿汀洲。萬里煙波接素秋。數點征帆天上落。一
輪斜日水中流。長橋踏月隨幽伴。小閣浮天賦遠遊。便買
一舟為泛宅。此生何必老菟裘。

向伯恭侍郎致政薌林築一堂名之曰企疎晉陵孫

某聞而賦詩

銅臭應作么。夢屍當得官。喁喁魚聚沫。戢戢蚋集酸。高人
有遠抱。一笑視鼠肝。水將洗耳用。山作拄頰看。種芳茹秋
菊。寧秀紉春蘭。披披芰荷衣。采采苜蓿盤。三徑倘真境。一
瓢非世歡。富貴挽不來。為我歌考槃。

且學六回癡。莫羨董公健。誰合軀七尺。浪作青紫楨。更搖乞憐尾。仍出弔喪面。薊林有老僊。蚤具佛眼見。國恩儻粗酬。已責遂焚券。驅除竹馬棄。狼籍芻狗踐。寥寥漢二傅。千歲一關健。竟日飲無何。更補離騷傳。

湖洲上冢繫舟丁山田舍小憩

清谿三百曲。一片春風綠。茆屋有人家。窈窕閔深竹。老去耽田里。寓目快新矚。風漪卷翠綃。雲巘鏤蒼玉。尋盟喚白鷗。解佩贖黃犢。獨嘯無一人。傳聲滿空谷。

妙光菴

孤煙抱水村。落日滿雲樹。亂山如連環。楊柳是門處。青繚竹谿灣。翠點苔石路。鍾魚寂無聲。白日掩僧戶。茗盃酌雲腴。香篆擢煙縷。坐穩不知夕。炯炯山月吐。

吳漢逸家荆谿。蓄古書奇器甚富。余欲造觀而未果。

賦小詩先之

高人卧江海。煙雨三家村。白眼憎俗徒。青山自當門。披圖望千載。耿耿尚自存。金鑄驥裹蹄。漆書科斗文。虬螭盤六印。犧象刻四尊。劔包虎皮斑。琴漫蛇腹紋。猶吐星芒寒。尚帶雷斧痕。我亦望古者。昂昂真戴盆。儻未倚門揮。應許置榻論。從公問奇字。載酒過子雲。

寄題四明吳總拙軒

分寸躋攀曳九牛。一錐無地拙於鳩。穿鍼結縷非吾事。不上天孫乞巧樓。老罷誰當問喘牛。羈栖且作寄巢鳩。葢茆一把藏吾拙。便是元龍百尺樓。

雨

山空發清響。樓迥落餘飛。掩冉花頭重。渾酣水面肥。喧雁
沉地鏡。飄灑淨垣衣。數點蒼茫裏。飢鳥接翅歸。

小園春事

屋頭喚雨泥滑滑。萬瓦紛披土囊發。西園春事一時休。繁
紅漫亂煙脂雪。綠蘿高張翠羽蓋。蒼蠹中斷青玉玦。不見
枝上一點紅。千頃桑麻光似潑。

小園花柳春爭發。風雨顛狂二三月。斷梗梢空轉若蓬。細
紅糝逕繁如纈。巨看繞屋溜潺潺。可厭觸塗泥活活。不妨
暫柅故人車。大似陳公井中轄。

吳門道中

小橋分路各西東。寂寂松窗半掩蓬。客夢悠揚殘酒裏。一

池荷葉雨聲中。

連雪苦寒

霜氣森森背有芒。風稜撼撼面疑鎗。破衾且作龜頭縮。短
裾愁牽鶴脰長。

焦山吸江亭

昔年攜客寄僧龕。敗屋疎籬一草菴。白首重來看修竹。連
山樓觀亦耽耽。東坡詩云金山樓觀何耽耽。撞鐘擊鼓聞
淮南焦山何有有修竹。採薪汲水僧兩三。萬頃蒼茫一島孤。潭潭雲海現毗盧。問君汲盡西江水。中
有曹谿一滴無。

雨中泊蜀山。見漁人自山半負樵。入舟鼓棹而去。

一嶂橫青靄。千漚起碧濤。行穿山半腹。坐占水中心。蹋雨
松蹊滑。衝煙蓼嶼深。時來有登涉。應不繫升沉。

讀類說二首

亡是談鳥有彭郎得小姑誰言鳩作婦謾道雁為奴絡緯
那能織提壺豈解酤龜茲堪一笑非馬亦非驢
額痒會出耳足閑仍有鬢石頭非作燕楮老孕生雞楓瘦
那因怒松枋豈是肥君看轉丸手亦復化神奇

能仁寺悟上人來楓橋訪余索詩賦兩絕句

燃斷吟鬚皺兩眉鏤冰琢雪等兒嬉解啼孤月如雞口堪
笑窮郊作許悲韓吏部詩云有窮者孟郊郊聞雞詩云似聞孤月口能說落星心
老去都將筆硯焚相逢相問只寒溫更無一語堪酬對已
入維摩不二門

龜潭

擺落攀緣斷驅除磊塊平庭松敵老健潭水伴孤清待月

出時看尋雲起處行相隨水上坐徒倚到參橫

舟過湖汊泊丁山

雞犬三家市蓬蒿一畝宮蘿牽籬幕翠籜墮砌堆紅宿鳥
來還去微泉咽復通幽尋殊未已落日滿陳桐
日下殘紅斂煙升積翠重鷗輕沒浩蕩魚樂自從容野饁
迎秋穫鄰謳相夜春田翁有真意一笑酒中逢

協趣亭

一丘破天巧萬壑迴春姿使君不著鼓吹隨翛然
一幅巾自與幽人期水淺欲平杯風細不滿旗疎疎殘雨
裏獨理釣魚絲

江上懷息永

沙老猶生鬢江寒已伏槽長煙分聚落短日下亭皋木脫

曾巢見潮生小艇高。幽懷誰與悟，不見酒中豪。

梅二首

北風翦水玉花飛。翠袖凌寒不自持。脉脉含情無一語，水邊籬落立多時。

纖纖羅蔓牽茅屋。細細苔花點石砧。夢斷酒醒山月吐，枝疎影卧東窗。

龜潭道中

沙淨溪行好，煙消野望新。數峰山戴雪，一曲塢藏春。魚逐波間伴，禽藏葉底身。柳邊春信動，眉目已津津。

牛山道中

松雲翠籬披，竹日光破碎。青熒麥風過，紅濕花露墜。萍開龜曳尾，樹啄鳥擘喙。物物如賦予，欣然與心會。

卷畫連雨溪漲又餘雨霽水落喜而賦詩二首

編椽沿村徑，囊沙壅市門。蒼鱗封老幹，黃耳上陳根。屋破容身窄，天低望眼昏。谿邊高樹杪，猶有繫舟痕。月挂樓鐘曉，風生島樹秋。林疎山獻狀，池漫水分流。鵲喜時窺牖，鷗馴亦並舟。一聲何處笛，莫遣碧雲留。

沈公序餘閑亭二首

貌古須眉見，情高耳目遺。應諧聊玩世，避謗莫吟詩。事不關心處，身非抱病時。翛然無一事，痛飲是吾師。隱几欲忘吾，趨營老吏疎。判閒聊命酒，引睡謾翻書。祇有貧堪逐，都無憤可摠。樂哉聊卒歲，應信我知魚。

虎丘沼老豫章詩僧也，與余相遇於楓橋。方丈誦所作除獻之侍郎生日詩，有東湖孺子南極老人之

句余愛其王賦小詩寄贈

落景下曾城。遙煙起孤戍。繫舟著魚磯。曳杖扣僧戶。忽逢丹霞侶。自誦碧雲句。嘈啾應黃鍾。清絕追白紵。不落江西派。官學邯鄲步。冥搜自天得。妙中有神助。寅緣半日留。邂逅一笑遇。詎復管中窺。看沐南山霧。

紹興壬子某南遷過疎山上一覽亭見擬東坡煨芋

詩刻龕之壁間。詩律句法良是。殆不能辨。乃宣卿侍郎守臨川時所擬作也。後數日道次安仁縣。一士人吳君出宣卿詩數十解示余。奇麗清婉。咀嚼有味。如噉蔗然。讀之惟恐盡。於是拊卷三嘆。而後知公置力於斯文久矣。又二十年宣卿築室荆谿山中。別營一堂。以平生所畜東坡詩文雜言長短

句殘章斷藁。尺牘游戲之作。盡積藏其中。號景坡

自書榜。仍為記刻之。某欲具小舟造觀。而宣卿召

用。今以集撰守吳門。乃賦詩為之先。

王公製練衣。謝傅捉葵扇。歛若置郵然。一昔徧海縣。東坡百世師。乘雲上騎箕。文爭日月光。氣敵嵩華齊。諸儒望先覺。坐待成風斲。一斤應手揮。郢鼻無留望。公生不並時。關鍵同一機。識真屬具眼。造的令中眉。詩亡東晉補。書受伏生所。神交接混茫。參差夢中睹。授我筆如椽。五色光屬聯。醉上金鑿殿。揮泉灑謫倦。

景息提舉少卿出示藥寮佳篇某繼元韻上呈

連筒自灌黃精圃。結轍休推薏苡車。萬壑飛泉春午枕。一蓑帶雨荷春鉏。逃名尚有身為累。擇利焉知貨可居。笑指

吾公門上莠一時零落已丘墟

鴻慶集

蘆川歸來集鈔

四十

張元幹字仲宗永福人太學上舍歷官至大監所與遊
 皆偉人賢士嘗哀其亡友唐愨生詩帖標軸璀璨如諛
 達人貴公得氣時人嘉其朋友之義又於亂紙中得其
 祖文靖手澤知祖未第時壻於劉氏劉無出葬於福清
 元幹求之榛莽中割牲醢酒為文刻石以傳子孫作幽
 岩尊祖錄宣政間游定夫楊龜山陳了翁朱喬年李伯
 紀洪駒父徐師川呂居仁名賢三十餘家咸題跋歎美
 之有蘆川歸來集十餘卷得之書肆廢帙逸其大半詩
 止近體六七二卷清新而有法度蔚然出塵觀其序王
 承可詩云初從徐東湖指授句法知淵源有自也

次韻唐彥猷所題顧野王祠與霍子孟廟對

蘆川歸來集鈔

蘭若黃門像。相望博陸居。衣冠塵亦暗。簫鼓祭全疎。草色
侵荒逕。潮聲過夕墟。遺風猶可想。弔古一觴餘。

過宿趙次張郊居二首

北客多流落。東村更寂寥。肯同清夜夢。不待故人招。月掛
荒園竹。霜飛獨木橋。聽雞休起舞。且共論天驕。
莫歎交游晚。相期歲月淡。秋來初識面。老去要知心。燈火
須更僕。杯盤取自斟。平生王霸術。袖手有微吟。

次韻奉和平叔亭林至日之什

雲物果何好。客愁今更新。坐來江月白。興在雪籬春。我輩
且同酌。公詩殊出塵。莫思淮海上。黑幟雜黃巾。

花飛

雨暗連兵氣。花飛點客愁。寓居皆野寺。相過只扁舟。不作

新塘去。還爲後柳游。盤餐雖杞菊。得飽勝椎牛。

送江子我歸嚴陵

久客驚秋晚。懷歸更送君。亂來俱避地。老去惜離羣。山閣
杯浮菊。江城鴈度雲。行行經釣瀨。時事不須聞。

亂後

亂後今誰在。年來事可傷。雲深懷故里。春老尚它鄉。寧復
論秦過。終當作楚狂。維舟短籬下。聊學捕魚郎。

返正

諸將爭傳檄。羣賢尚阻兵。天旋黃屋正。日轉赤墀明。喪亂
多妖孽。經綸貴老成。鯨鯢終必戮。草木已知生。

冬夜有懷柯田山人四首

聞說新居好。山樊卜築深。藥囊能濟物。龜筮少知音。四海

憂黔首中原盡綠林直須期雪屋夜掉去相尋
坐閱干戈擾輸公已定居生涯今易足世態莫嗔渠晷短
全疎客窻晴好對書故山常入夢何日到吾廬
客裏了無况亂來何止貧淹留頻換歲老大更思親泥飲
息田父供糧乏故人自憐歸未得不是白頭新
雅欲賦招隱何堪弔戰場獨看星錯落久立夜蒼茫羽檄
來東越風煙隔下塘安閑隨處有冠蓋莫相望

登垂虹亭二首

一別三吳地重來二十年瘡痍兵火後花石稻梁先山暗
松江雨波吞震澤天扁舟莫浪發蛟鱗正垂涎
熠熠流螢火垂垂飲倒虹行雲吞皎月飛電埽長空壯觀
江邊雨醒人水上風須與風雨過萬事笑談中

漫興

老答書題嬾貧營口腹忙未能忘壯志遽肯變剛腸晷短
催寒急燈明伴漏長牀頭褚衾在不怕滿簷霜

奉送富修仲赴南昌尉

吏道雖餘事人情要飽諳家風端自守句法有同參南浦
翻雲浪西山滴翠嵐折腰與趨走政恐未能堪

夜宿宗公文室求詩甚勤爲賦五字

林表登層閣秋聲隱暮鐘鷓鴣歸苦竹寺雨闌亂雲峰屢乞
留新句重來訪舊蹤松門罕車馬似喜老夫逢

次韻晁伯南飲董彥達官舍心遠堂

今夕知何夕真成累十觴爐薰飄月影蜜炬剪花香政嬾
還詩債無從發酒狂故人憐久客舞袖要須長

叔易自三吳歸同赴竹菴荔子之集二首

惜別梅花雨。來歸荔子秋。江帆成昨夢。雲嶠忽重游。共喜
身長健。寧論久客愁。殷勤老居士。更為寶峰留。
客去雲俱散。山空月正圓。不參藤樹句。自透竹菴禪。骨法
凌煙像。家聲鼓瑟篇。直須陪叔季。急佐中興年。

寄錢申伯二首

子去客昭武。今儂懷舊遊。青山渾在眼。白髮暗添頭。旅食
今安好。歸程儻滯留。谿邊因野步。試覓水明樓。
一點照今古。曾中殊了然。不妨為漫吏。可但號臞僊。丹荔
盟猶在。凝香句未傳。秋風稍涼冷。速辦下灘船。

申伯有行色會宿東禪次元韻

真成風雨夜。特合對林眠。去住非無數。行藏莫問天。

瀕瘴海一棹破春煙。君自足歸興不妨啼杜鵑。

次折樞畱題雪峰韻

軒冕本無意。煙霞如有期。故人容野老。勝踐見新詩。誰辨
兼忘世。公當急濟時。春歸仍送別。好在出山遲。

次韻范才元中秋不見月韻

不見中秋月。長吟五字城。浮雲有底急。清影可憐生。殘夜
四更句。故人千里情。與君徒悵望。天上自分明。

次呂居仁見寄韻

老去猶為客。誰人念退居。相望千里路。賴有數行書。白鷗
猶堪寄。烏牛政憶渠。何時聞枉駕。竹裏喚行廚。

次韻劉希顏感懷

避誇疎毛穎。推愁賴索郎。坐來春漏促。夢去畏途長。故國

書題冷新詩齒頰香。湖山雖好在，歲月已相忘。

郭從範示及張安國諸公酬唱，輒次嚴韻。

登樓乘暇日，喚客共澆愁。春去花猶發，陰濃雨未休。和詩真冷澹，得句總風流。能遣西隣老，殊無陋巷憂。

戊辰春二月晦日，同栖鸞子送所親過寶積，題壁間。春江因送客，雲嶠更登臨。精舍經行地，征人去住心。猿啼清夢斷，花落曉窻陰。勝踐成三宿，俱來此意淡。

次韻送友人過山陰郡，時夜別于舟中。

草草杯盤燦燭光，故人相對水雲鄉。濤江君去訪秦望，丘壑我歸爲楚狂。活國未逢三折臂，憂時空轉九回腸。絕憐明發成南北，夢寐全無夜太長。

喜玉性之見過千金村。

春來書劄已西東，喜復相逢亂世中。萬事變更唯舌在，二年流落轉途窮。雲收野寺侵廊水，月掛孤帆送客風。剩欲畱君明日住，夜闌難得一罇同。

次江子我遷居韻。

平生自省宜三黜，老去何心望九遷。避地湖山聊復爾，脫身兵火想當然。浮家泛宅非無計，坎止流行本信緣。猶恐驚濤翻四海，直須化鶴作飛仙。

次趙次張見遺之什韻。

海邊遊子日思歸，新句勞君更置規。莫問人間多貝錦，正如天上有參旗。寄書只欲憑黃耳，去路誰能畏赤眉。定與故巢猿鶴老，此生無愧北山移。

過雲間黃用和新圃。

繚池剩欲開花徑。傍舍先須作草堂。雨後不妨頻檢校。客
來畱得共徜徉。故園怪我歸何晚。避地輸君樂未央。待得
功名方卜築。豈如強健享風光。

蘭溪舟中寄蘇粹中

氣吞萬里境中事。心老經年江上行。三徑已荒無蟻夢。一
錢不直有鷗盟。雲收遠嶂晚風熟。浪打寒灘春水生。鴻雁
此飛知我意。爲傳詩句濮陽城。

別綬老

無端流落迫殘年。三十南山訪老禪。未契安心了難覓。不
如同世且隨緣。頻移竹几負寒日。旋拾松稍炊晚煙。珍重
孤雲出山去。東西南北一青天。

次江子我開角韻

夫差故國祭寒水。鐵馬南來忽振纆。城上昏鴉爭接翅。舟
中逐客謹逃名。笳怨處風微起。濁酒醒時夢易驚。飄泊
似聞山寺悲。真成夜半聽鐘聲。

次友人寒食書懷韻二首

往昔升平客大梁。新煙然燭九衢香。車聲馳道內家出。春
色禁溝宮柳黃。陵邑祗今稱地衣。冠誰復問唐裝。傷心
寒食當時事。夢想流鶯下苑牆。
孤生投老急菟裘。萬里雲山已勸游。共喜石交逢異縣。更
陪綠筆賦春愁。無心俯仰猶多事。與世浮湛已拙謀。冷雨
吹花作寒食。三杯軟飽且眠休。

訪親于連江。因過筠溪叩門循行。歎其荒翳不治。有
懷普現居士口占此章。

筠莊主人何未歸。溪畔長林穿翠微。此去功名時欲至。箇中車馬跡全稀。茅茨漏久蝸涎篆。籬落歌多蛛網圍。公肯借蒼容我老。爲公朝夕掃柴扉。

宮使樞密富文和篇高妙。所謂壓倒元白。未句許子。尤非所敢承。謹用前韻叙謝。

脩門一出十經春。相業時來自奮身。袖手淡謀終活國。揮毫佳句且驚人。話言每許聞前輩。賓客何堪接後塵。待掃攬槍洗兵馬。兩翁玄語記天津。

次韻文老史君宗兄見贈近體佳什兩篇。僕與公別四十餘年。一旦邂逅。情著于詞。

舊遊蘭若盡英才。坐上高談亦壯哉。老去語音雖記憶。衆中容貌各驚猜。津亭夜雨故人少。樽酒燈花鄉信來。茂苑相逢話京洛。柁樓猶喜待春回。

冬夜書懷呈富樞

耳聾無用問新聞。矯首何妨目作昏。癡絕已甘投老境。肯馳寧受乞憐恩。難陪年少從渠薄。賴得春回爲我溫。京洛交游頻檢校。渡江今有幾人存。

次韻趙元功贈李季言之什

赤縣飄零未易逢。那知今夕一樽同。好招明月共清影。託與白雲行太空。懍恍舊遊如隔世。蹉跎壯志莫論功。兩公秉燭還相對。情話從渠半醉中。

次韻元功才友道中見贖。因以解嘲。

當時勇決徑歸休。更有人愚似我不。何許置錐寧免累。直須畢娶始無憂。頻遭白眼傷流俗。誰向青門念故侯。客裏

題詩慰藉美君椽筆盍螭頭

奉送晁伯南歸金谿

君家諸父多人傑。半是平生親舊間。莫話故園空矯首相。從逆旅足開顏。文元勲業金甌字。昭德風流玉笋班。此去騰驤吐虹氣。何由來伴老夫閑。

遊東山二詠次李丞相韻

寒木高蘿幾曲溪。斷碑零落卧荒祠。澄潭想像雲頭湧。懸瀑依稀雨脚垂。地軸漫煩龍虎戰。天符那得鬼神私。茫茫造物殊難曉。要是爲霖自有時。

畱寄黃檗山妙湛禪師

晨發鄉城越數峰。我來師出失從容。白雲遮日蔽秋寺。青嶂聞猿驚暮鐘。世亂可無閑地隱。山深偏覺老僧慵。他年

芋火談空夜。雪屋松窻約過冬。

用折樞龍呈李丞相二首

參陪仍許瘦筇支。長者登臨敢後期。鍾斷白雲飛雨過。月生青嶂夜涼時。心知勝地都忘睡。喜聽連牀共和詩。蓮社風流增荔子。餘生長健更何爲。莫問蒲萄出月支。不緣瓜棗訪安期。輕紅滿地人慵掃。空翠沾衣雨足時。松蔭晴泉聽落澗。蟬嘶晚吹助裁詩。公乎此去歸廊廟。無用山中怨鶴爲。

次錢申伯游東山韻

掃榻開軒走寺宮。吾曹終日得從容。夕陽初落鴈谿路。雲氣半遮獅子峰。試問丹砂回白髮。何如瀑布煮枯松。每縱有壯心在。歸意已勝山色濃。

